

Menmen Jon Kityak Kirem - Revelesen

Menmen me tiwei ik

Jon katip mit ne sios gude *1:1-8*

Jon kinin kityak kir menmen, ehirak kewis him men sios mar 7 *1:9-3:22*

Him me tiwei ketike tirhin mar 7 *4:1-8:1*

Him me taur mar 7 *8:2-11:19*

Him me kirin ketike miyak wik *12:1-13:18*

Menmen ham Jon kityak kirem *14:1-15:8*

Sar mar 7 menmen mekremer emeteiknai God han enuk *16:1-21*

God kewaank wit Babilon, miyak enuk wik etetike Seten *17:1-20:10*

Him me God skelim mit yapirwe *20:11-15*

Him me nupela nepni, metike ti, metike ewit hak Jerusalem *21:1-22:5*

Him me Jisas pike kaknen *22:6-17*

Jon katip mit him mikaru *22:17-21*

Him me tiwei ik

1 ¹“Tiwei ik hirak ke him nipaa misawin meit, te in ek God kewepyapirem katip Jisas Krai em. Hirak kewepyapirem ketpiwekem te Jisas kakteikin mit kerek nisesik kakteiknorem kakitpor menmen te menep mamnen. Krai hirak keruwet mitik ensel kiutip kewepyapirem ketpo hi Jon em, hi hiriak menmen me Mitik Iuwe Jisas Krai. ²Hi Jon hi hewis menmen yapirwe hi epei hirem. Hi hetpi him manp hi hemipin au. Him im hiram him God ketpim mekite him Jisas Krai hirak keruwet mitik ensel kirak kan kewepyapirem ketpewem.

³^bMitik kerek hirak kakikine him im mamno nikip me mit miyapir ne God, hirak han yaaik kaku. Mit miyapir kerek hir nemtau him im kerek God kewepyapirem maain hiram mamnen, hir enisesim werek werek, hir han yaaik nanu. Hir han yaaik nanu nanintar wi menep te menmen im mamnen.

^a **1:1** Dan 2:28-29; Rev 1:19, 22:6 ^b **1:3** Rev 22:7, 10

Jon kewis tiwei ik ken mit nises God neit wit hispinak wik (7)

⁴Hi Jon hi hewis tiwei ik ken yi mit miyapir han yi ne weiwik me God yi yeit wit hispinak wik(7) me provins Asia. Hi hanhan God kerek nipaa kepu ere in kepu maain kakpau, hirak kakrekyi yaaim yi eiyu werek werek. Himin hispinak wik (7) yaain nerp ninaan mirak menep yeno hirak kewim naanmirai haiu mit hir nanrekyi yaaim yi eiyu werek werek. Hi hanhan hir nantike Jisas Kraiss hir nanrekyi yaaim yi eiyu werek werek. ⁵Kraiss hirak kewepyapir werek werek him me God. Hirak Mitik ik kerek kaa God kinin kikiak hirak kekrit kau keit. Hirak Mitik Iuwe kakinin naanmamre mit iuwe kerek naanmamre mit nanu ti. Hirak hanhan keriuwai, hirak kesak menmen enum mekre han kaiu kentar hirak kaa hemkre mirak mewen. ⁶Hirak kenipai haiu mit haiu mire mit iuwe ne weiwik mirak, haiu mit niutip niutip haiu mitehi God kakikaap mit mamir ke pris nanriakem te haiu mamrirak menmen me Haai kirak God. Hi hanhan Jisas Kraiss kakit niuk iuwe, hirak naanmipre mit, hirak kakre iuwe tipmain tipmain enum eik.

⁷Yi eiyimtwem! Hirak Kraiss kaknen kakrau napi. Mit miyapir yapirwe maain nanirek nanriuwe nanamir kir. Hir nantike mit ne Isrel kerek maamrer nir nipaa hir nakip nau hirepit mirak, hir nanirek, te hir yapirwe nau ti nankitek nanintar hir nanineinik kakriyei nanino ninaan me God. Hi hanhan menmen im mamnen. Hi hetpi werek.

⁸“Hi God kerekek hi hiriak menmen yapirwe te menmen yapirwe mamwenipi niuk mai.” God iuwe naanmipre menmen yapirwe kerek nipaa kepu ere in kepu maain kakpau, hirak katip menmen im.

Jon kepu kityak kir Kraiss

⁹Hi Jon hi ki yinak. Hi etikewi haiu mit ne Jisas. Hi etikewi mit han neraiwaank te haiu mises menmen me God haiu minakin tokim emisesik. Hir mit ne Gavman nepira newisa hi heit winak enuk heit wit wan kimaak keketik niuk mirak Patmos, hentar hi ewepyapir him me God hi hatip mit hi hises menmen nipaa Jisas hirak ketpim. ¹⁰Me wi Sande hiram wi me Mitik Iuwe, God Himin Yaaik kan kentar han kai te hi hepu hityak hi hemtau him ke mitik keit sip kai hirak katip him iuwe kewen ken yanimin kire tukin. ¹¹Hi hemtau mitik eik katip kar ik: “Ti ewis menmen yapirwe ti ehirem hiram mamu tiwei. Epei au, ti esiuwerek kakno mit miyapir ne weiwik me God hir nises him mirak hir nau neit wit hispinak wik (7) im e: Wit Efesas, wit Smena, wit Pegamam, wit Taiataira, wit Sadis, wit Filadelfia mekite wit Leodisia.”

^c 1:4 Eks 3:14-15; Rev 3:1, 4:5, 8, 5:6, 11:17, 16:5 ^d 1:5 Jo 18:37; Rev 3:14, 17:14; Kl 1:18; Sam 89:27; 1Jo 1:7, 4:10 ^e 1:6 1Pi 2:5, 9; Rev 5:10, 20:6 ^f 1:7 Mt 24:30; Jo 19:34-37
^g 1:8 Rev 4:8, 15:3, 21:6, 22:13 ^h 1:9 Rev 6:9

¹²Hi heweikin ehir keimin kerek ketpo him. Hi heweikin epei au, hi hir gol miwapin lam hispinak wik (7) hiram mau. ¹³ⁱKekre nimin ke lam me gol keyiak kerp keweikin kire mitik. Hirak kamir laplap iuwe nokim ere miwapin hit mirak; Hirak kakir let me gol hiram meweikin hirepit mau han pank kirak. ¹⁴^jMaat kirak ketike paan kirak hirak hike kire napi o hore hike yiwau. Nanamir kirak kerhihe kire si te hirak kakir menmen yapirwe mekre han ke haiu mit. ¹⁵^kHit mirak mire ain mit newisim mekre si maain metir hir nesesim ere hiram mir. Hi hemtau him kirak hirak katip him iuwe kewen ke yanimin kar ke hitik siurik mirire. ¹⁶^lHirak ketenen hir mar hispinak wik (7) mekre his yaaim mirak. Menmen mire hine me his katin ken pinak ken pinak metpaan moke him kirak. Ninaan mirak hiram mir mar ke wepni kir kau niminiuwe ek.

¹⁷^mHi hirek, hi henkewin menep hit mirak har ke mitik epei kaa. Te hirak kewis his yaaim mirak mentera hirak ketpo kar ik: “Ti ap enapen. Hi mitik kerek nipaa menmen ap mepu, au hi hepu, hi maain apau. Hi Jisas kerekek. ¹⁸Hi kerekek hi hepu. Nipaa mit neiyep hi haa te in ek ti hira. Hi ahu tipmain tipmain enum eik. Hi kerekek hi iuwe te hi enip mit miyapir kerek naa hir nanino si o au en, hir nanino wit ke God nanu werek. ¹⁹ⁿTe ti ewis menmen mamu tiwei maain ti ahirem. Menmen in ek mepu metike menmen maain mamnen. ²⁰^oHir mar hispinak wik (7) ti hirem mau his yaaim mai hiram metike lam gol mar hispinak wik (7), hiram mire tok piksa im. Hir hiram mire mit iuwe hir naanmipre mit miyapir ne weiwik me God nau wit hispinak wik (7). Lam gol hiram mire mit miyapir ne God nau neit wit hispinak wik (7).

Jisas katip him men mit miyapir ne God nau neit wit Efesas

2 ¹^p“Ti ewis him meiyam im mamno mitik iuwe kerek naanmipre mit miyapir ne sios o weiwik me God nau neit wit Efesas. Ti ewis him im:

“Him im hiram him me hi Mitik Iuwe kerek hi hetenen hir mar hispinak wik (7) mau mekre his yaaim mai. Hi heke ti hepno in hepno ein hitet nimin ke yi mit miyapir ne God yapirwe ne provins Esia yi yire lam gol mar hispinak wik (7). Hi etpi him im.

²^q“Hi hertei menmen yi yiriakem. Hi hertei menmen enum epei man yi mit te yi yinakin tokim yisisa yewepyapir menmen mai yi yiriakem yapirwe. Hi hertei yi yinapen mit enun kerek hir netpi nar ik: ‘Haiu mit haiu aposel mire mit han!’ Yi epei yemtau menmen hir netpim, menmen hir niriakem, te yi epei han kitet mit in te yi yertei hir ap mit aposel au.

ⁱ 1:13 Dan 7:13, 10:5 ^j 1:14 Dan 7:9, 10:6; Rev 2:18, 19:12 ^k 1:15 Rev 14:2 ^l 1:16 Rev 1:20, 2:12, 16, 19:15, 21; Hi 4:12 ^m 1:17 Ais 44:6, 48:12; Rev 2:8, 22:13 ⁿ 1:19 Rev 1:1
^o 1:20 Rev 2:1, 3:1 ^p 2:1 Rev 1:16, 20 ^q 2:2 Rev 2:19, 3:1, 8, 15; 1Jo 4:1

Hir mit enun nemipin. ³Menmen enum epei man menep yi mit mentar yi yises him mai. Yi ap yinapen menmen im te yi yeweikin sip yeweto au. Yi yinakin tokim yi wen eiyises him mai. ⁴Te hi han enuk heruwi hentar menmen im. Nipaa yi yinin yises him mai, yi hanhan yeriuwa wisenum, te in ek au kike. ⁵Yi han ekitet nipaa yi hanhan yeriuwa wisenum te in ek yi pike hanhan yeriuwa yar ke nipaa yi yisesim. Yi yire mit hir nau niu hir nenke nen ti heik. Yi pike eiyises menmen yaaim nipaa yi yinin yisesim, o au en, hi pike anen eiwep eriwaank. Menmen in hiram mar ke hi enen enke lam mi me wit hiram mewi hi eiyim eno. ⁶Te menmen miutip yaaim hi han yaaik yi yisesim hiram im. Yi yinapen menmen enum mit kerek nises him me Nikolas hir niriakem.

⁷“Yi eiyimtau han ekitet werék menmen God Himin Yaaik ketpim men yi mit miyapir yapirwe ne weiwik me God. Yi mit miyapir kerek yisisa werék werék ere yi yayi yi hekrit hekrit eiyinin menmen enum mamnen mamri han ki te maain God kawisi yi eiyu ni mirak yi yayim nikim me nu kerek kakikaap himin ki te yi mit yayu yayit tipmain tipmain enum eik.

Jisas katip him men mit nises him me God nau neit wit Smena

⁸“Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Smena. Ti ewis him im mar ik: “Him im hiram him me hi mitik kerek nipaa menmen ap mepu wen au hi hepu, maain hi apau. Hi kerekek nipaa mit neiyep hi haa, hi pike hekrit hau.

⁹“Hi hertei yi mit enun ap yetenen menmen yapirwe au, mit nerekyi enum yentar yi yises him mai (te yi yetenen menmen yapirwe yaaim me God.) Hi hertei him enum mit netpiyem. Hir natip hir ne weiwik me Isrel, te hir keriyen God kehimiteni hir nirak te hir ap nisesik au. Hir nererik nau winak kir nekine him me Moses, te hir ap nises God au. Seten kari han kir hir mit nirak. ¹⁰“Yi ap yinapen menmen enum mit menep nanrekyiyem. Eiyimtwem! Seten kakri han ke mit te hir nantihis mit han ne yi mit nanwiri yaino winak enuk, te hir naninin han ki yi yayisisa werék werék o au. Hir nanriwaank me wi hiswiyen (10). Yi eiyisisa werék werék te mit naniwep yi yayi, te maain hi ewisi yi yayu yaitikewa tipmain tipmain enum eik.

¹¹“Yi eiyimtwem han ekitet werék werék menmen God Himin Yaaik hirak ketpim me yi mit miyapir ne weiwik me God. Yi mit miyapir kerek hekrit hekrit eiyinin menmen enum mamri han ki, maain menmen enum me si tatiknen mit ap te mamiwep yi mit yaain narik au. Yi eiyu werék werék.

^r 2:5 Rev 2:16, 22, 3:3, 19 ^s 2:6 Sam 139:21 ^t 2:7 Jen 2:9; Rev 22:2, 14, 19 ^u 2:8 Rev 1:17 ^v 2:9 Je 2:5; 2Ko 11:14-15; Rev 3:9 ^w 2:10 Mt 10:28; 2Ti 4:8; Je 1:12; Rev 3:11 ^x 2:11 Rev 20:14, 21:8

Jisas katip him men mit nises him me God nau neit wit Pegamam

¹²^y“Ti ewis him im mamno mitik iuwe kerek naanmpire mit miyapir ne sios o weiwik me God nau neit wit Pegamam. Ti ewis him im mar ik: “Him im hiram him me hi mitik kerek hi hetenen hine ke his katin keke pinak keke pinak hirak tiknuk enuk.

¹³^z“Hi hertei wit kerek yi yewi hirak wit enuk kerek Seten kan kinin naanmpire mit. Yi yapirwe yi yises him mai werek werek. Me wi mit enun nenep mitik kai yaaik Antipas kerek hirak kewepyapir him mai katip mit em, hir nakip keit wit yi yewi, hirak wit kerek Seten kan kinin naanmpire mit. Yi ap yeweikin sip yeweto au, yi wen eiyisisa. ¹⁴^aYi yaain te hi han enuk heriuwi me menmen ham im e. Mit han ne yi mit yeit Pegamam hir nises menmen me Belam. Nipaa enum eik hirak keteikin mitik Belek karkeik te hirak kakri han ke mit ne Isrel te hir niriak menmen enum. Hir naam menmen mit newepwarem newet tipir em, hir netike miyapir hir nariyanhis neweninem. ¹⁵Mar im yi yewis mit enun narik hir nau nimin ke yi mit. Hir nises him enum mit ne Nikolas hir netpiyem. ¹⁶^bYi eiweikin sip eiwet mit enun nises him me Nikolas hirak ketpim yi eipiri eninopin, o au en, hi enen waswas anep mit in nises him enum. Hi atip him meke him kai mamnen mamriwaank mamir ke hine ke his kaknep mit hir nani.

¹⁷^c“Yi eiyimtau han ekitet werek menmen God Himin Yaaik hirak ketpim men yi mit miyapir ne weiwik me God.

“Yi mit kerek yayinin menmen enum mamri han ki maain hi eweti menmen yaaim ham mire menmen mana misawin meit wit kai. Hi eweti niutip niutip menmen im metike nan mire hike hiram meteikni hi hanhani. Niuk ham yaaim mamwik mit han ap te nanirtei niuk miram au. Mitik kerek hirak kakit nan, hirak kerekek kakirteiyem.

Jisas katip him men mit nises him me God nau neit wit Taiataira

¹⁸^d“Ti ewis him im mamno mitik iuwe kerek naanmpire mit miyapir ne sios o weiwik me God nau neit wit Taiataira. Ti ewis him matip mar ik:

“Him im hiram him me hi Nikan ke God. Hi nanamir kai kir kar ke si merhihe te hi hir menmen yapirwe mekre han ke mit, hit mai tokim hiram yaaim mar ke kapa yaaik hike enuk.

¹⁹“Hi hertei menmen yi yiriakem. Hi hertei yi hanhan yeriuwe mit han. Hi hertei yi yises him mai werek werek, yiriak menmen yaaim, yi yinakin tokim me menmen enum epei man o menmen enum mit nerekyiyem. Hi hertei menmen in ek yi yiriakem hiram yaaim iuwe

^y 2:12 Ais 49:2; Rev 1:16 ^z 2:13 Rev 3:8 ^a 2:14 Nam 25:1-2, 31:16; 2Pi 2:15 ^b 2:16 Rev 1:16, 3:11, 22:7, 12, 20 ^c 2:17 Jo 6:48-50; Ais 62:2; Rev 3:12, 19:12 ^d 2:18 Rev 1:14-15

minin menmen yaaim nipaa yi yinin yisisa yi yiriakem. ²⁰ Menmen yi yiriakem hiram yaaim te hi han enuk heriuwi me menmen miutip im. Yi wen yewis mite enu eip hire wire mite hap enu niuk mire Jesebel, hire wewisesik watip hire wire profet, hire wen wau wetikeri. Hire watip hire profet te hire wari han ke mit weriuwe him hire wetpim. Hire watip wenip mit miyapir han kerek nises him mai, hir niriak enum nariyanhis neweninem, hir naam menmen mit hir epei newepwarem newet tipir em. ²¹ Hi himat wi ham te hire weweikin sip wewet menmen enum im, te hire au winapen. ²² Hire au winapen weweikin sip wetikeri niriak menmen enum hir nisesim te maain hi anip mite ip wetike mit miyapir han hir nises him mire, hi anipi hir naninap naniwaank hir han enuk wisenum. ²³ Hi anep nikerek nire hir nani naninektin (o witenun) te yi mit miyapir ne weiwik miutip me God yerer wit wit yi yayirtei hi kerekek hi hertei menmen mekre han ke yi mit te hi arekyi menmen yaaim o enum mamrer menmen enum yi yiriakem.

²⁴ “Te yi mit han yeit Taiataira, yi ap yises him mire enum au. Yi ap yises menmen im mit nekinaam hiram menmen iuwe te hiram menmen enum me Seten hiram misawin meit mire henye enum. Hi ap hetpi hi hanhan yi eiriak menmen ham mamtike menmen in ek yi yiriakem. Hi hinapen yi han enuk eiriuwerem. Au, hi hetpi him im: ²⁵ “Yi wen eiyses him yaaim im kerek in ek yi yisesim ere hi pike anen aweypyapir hirekes. ²⁶ Yi mit miyapir kerek hekrit hekrit yi eiyyinin menmen enum mamnen mamri han ki yi mit in hi eweti menmen mai iuwe te yi yayinin naanmamre mit nanrer wit wit. ²⁷ Menmen hi ehimiteni yi eiriakem hiram mamir ke menmen Haai kai kehimitenewem hi wen hipriakem. Yi mit yayinin naanmamre mit hir nanikrehir ki naninini au. Yi eiyyinini eiwaanki eiyyir ke mitik hirak ketenen paap yoki keiyik kaknep min hirak kereprir kike kike. ²⁸ Hi ewisi yi eiriak menmen im metike hi eweti saaur me nepni. ²⁹ Yi eiymtau han ekitet werek werek menmen God Himin Yaaik hirak ketpim men yi mit miyapir ne weiwik me God.

Jisas katip him men mit miyapir ne weiwik me God nau neit wit Sadis

3 ¹ “Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Sadis. Ti ewis him matip mar ik:

“Him im hiram him me hi kerek himin yaaik mar hispinak wik (7) me God mewa, hi naanmipre hir mar hispinak wik (7) hir nire mit iuwe naanmipre yi mit ne weiwik me God. Hi hetpi him im. Hi hertei mit

^e 2:20 1Kin 16:31; 2Kin 9:22; Rev 2:14 ^f 2:23 Sam 7:9; Jer 11:20, 17:10; 2Ti 4:14; Rev 20:12-13 ^g 2:25 Rev 3:11 ^h 2:26 Sam 2:8-9 ⁱ 2:27 Rev 12:5 ^j 2:28 Rev 22:16
^k 3:1 Rev 1:4, 16, 2:2

yapirwe hir han kitet yi yiriak menmen yaaim yi yisisa werek werek te yi au. Yi yire mit epei naa. Yi yiriak menmen mai au. ²Yi eişikrit han ekitet menmen werek werek. Menmen me him me God yi wen yisesim, yi einakin tokim eişisesim werek werek. Menmen mekre han ki yi yisesim hiram mar ke mitik menep te kaki. Hirak ap kakriak menmen werek werek au. Hi hetpiyem hentar hi ap hir menmen miutip me menmen yapirwe yi yiriakem te God kai kaktip hiram yaaim werek werek au. ³Yi han ekitet kerek nipaa yi yinin yemtau him mau yaaim, yi hanhan yisesim werek werek. In ek yi eiweikin sip eiwet menmen enum, yi eişises him yaaim mar ke nipaa yi yisesim, o au en, hi hire mitik enuk kekintip menmen, hi ap etpi wi kerek hi anen. Hi anen erekyi yi mit miyapir en menmen enum ehiwaanki. ⁴Te mit han ne yi mit yeit wit Sadis yi ap yiriak menmen enum au. Yi yaain yire klos kere mit neriuwetem ap hapik mewim au. Yi mit yar ik maain yi yaitikewa haiu mamriuwet menmen yaaim mire hike mamu mamit. Maain yi eiriak menmen im eişintar yi mit yaain yises him me God werek werek. ⁵Yi mit miyapir kerek hekrit hekrit yi eişinin menmen enum mamnen mamri han ki te God kakwisi yi eiriuwet klos mire hike. Hi ap ahisak niuk mi mau tiwei meit wit ke God matip mit miyapir kerek hir nisesik au. Maain hi ehit niuk mi atip God Haai kaktike mit nirak ensel har ik: ‘Mit in hir mit nises him mai hir mit nai.’

⁶“Yi mit eişimtewem han ekitet werek werek menmen God Himin Yaaik ketpim men yi mit miyapir ne weiwik me God.

**Jisas katip him men mit miyapir ne weiwik
me God nau neit wit Filadelfia**

⁷“Ti ewis him im mamno mitik iuwe kerek naanmipre mit miyapir ne weiwik me God nau neit wit Filadelfia. Ti ewis him matip mar ik:

“Him im hiram him me hi kerek hi Mitik yaaik God kehimitena hi kirak hi Haai ke menmen yaaim. Hi hetenen ki mekre his mai hi hatip neimin hir nanino ninin ke wit Jerusalem hak har ke nipaa hirak mitik iuwe King Devit ketenenim katip neimin nanino ninin wit Jerusalem hirak kewik. Ki im emkaisu weipir ke wit yaaik Jerusalem hak keit wit ke God. Hi ekaisu weipir mit ap te hir naniyepetek au. Hi aişepetek te mit han ap te nankaisuwek taau. Hi kerekek hi hetpi him mai im:

⁸“Hi hertei menmen yi yiriakem. Yi eişimtewem. Hi hari han ke mitik hirak kar ke hi epei enke weipir te yi mit eino eirer wit wit eişepiyapir him me God. Mit han ap te naniyepet weipir nanweni yi eiriak menmen im. Hi hertei yi ap yetenen menmen mai iuwe au, kike keremem, te yi

¹ 3:3 Rev 2:5; 1Te 5:2 ^m 3:4 Ju 23 ⁿ 3:5 Rev 7:9; Lu 10:20; Mt 10:32 ^o 3:7 Ais 22:22
^p 3:8 Rev 2:2; 1Ko 16:9

yises him mai werek. Yi ap yepakin yi yisisa au. Yi yewepyapirem ⁹Yi eyimtwem! Yi yertei mit hir nererik nau winak nekine him me Moses. Hir natip hir keriyen God kehimiteni hir nirak nentar hir ne weiwik me Isrel, hir nises God werek werek. Hir au, Seten kari han kir hir mit nirak. Hir nises menmen enum me Seten. Maain hi anep mit in hir naninen nanwen ninip nanu menep hit mi nantip hi hanhan heriuwi yi mit yi keriyen nai. Hir mit en au. ¹⁰Maain wi enum mamnen te God skelim mit miyapir ne ti te hir enweikin sip enwet menmen enum hir enisesik. Me wi im, hi naanmipri me menmen im yi yayu werek yayintar yi epei yises him mai hi nipaa hetpiyem. Nipaa hi hetpi har ik: “Mit nanrekyi enum yi einakin tokim eyisisa werek werek. ¹¹Hi pike anen waswas. Yi wen eyises menmen werek werek in yi yisesim te mit han kerek nisisa werek werek hir ap nanikrehir ke yi mit nanit menmen yaaim hi awetiyem te yi yaitikewa haiu mamu mamit wit ke God. ¹²Mit miyapir kerek hekrit hekrit hir naninin menmen enum mamri han kir, maain hi arekyor hir nanu nanit winak ke God nanir ke teinik mitik hirak ketenen pak, hir mit nanu winak yaaik God kewik ap te naninaiwirek taau. Maain hi awis niuk me God kai ketike niuk me wit ke God kaiu emu yink kir. Wit ke God kaiu hirak Jerusalem hak kerek maain kakikiuwe wit ke God kaknen. Hi awis niuk mai yaaim ham emu yink kir. Menmen im meteikin yi mit nai.

¹³“Yi mit eyimtau han ekitet werek werek menmen God Himin Yaaik ketpim men yi mit miyapir ne weiwik me God.

**Jisas katip him men mit miyapir ne weiwik
miutip me God nau neit wit Leodisia**

¹⁴“Ti ewis him im mamno mitik iuwe kerek naanmipre mit miyapir ne sios o weiwik me God nau neit wit Leodisia. Ti ewis him matip mar ik: “Him im hiram him me hi kerek Haai ke him yaaim. Hi hewepyapir werek werek him yaaim me God. Hi kerekek hi hiriak menmen yapirwe me ti metike nepni kerek nipaa God hanhan hiram mamikrit mamnen. Hi kerekek hi hetpi him mai im:

¹⁵⁻¹⁶“Hi hertei menmen yi yiriakem, hiram ap enum au te hiram ap yaaim au yi yau ke nimin. Hi hanhan yi eyisisa werek werek, o au en, yi eiweikin sip eiweto, te maain yi eiweikin han eyisisa werek werek. Yi han kitet yi yisisa werek werek, te yi auye! Yi yau ke nimin te yi enun yar ke tipar sisi kike mekre sar miwaai wepni (o yanm) te hi eneini enikni eyioke him kai yaino ti. ¹⁷Hi eneini hentar menmen im. Yi yekre

⁹ 3:9 Rev 2:9; Ais 45:14; Ais 49:23, 60:14 ¹⁰ 3:10 Lu 21:19; 2Ti 2:12 ¹¹ 3:11 Rev 2:10, 16 ¹² 3:12 Rev 14:1, 21:2, 22:4; Esi 48:35; Ais 62:2, 65:15 ¹³ 3:14 Rev 1:5, 19:11; Kl 1:15
¹⁴ 3:15 Rev 2:2; Ro 12:11 ¹⁵ 3:17 Hos 12:8; 1Ko 4:8; Lu 12:21; Je 2:5

han ki han kitet yarik. Yi yatip, “Haiu mit metenen pewek mei yapirwe haiu mamir terwe yiwir mas mentar menmen iuwe haiu meriuwe his maiu haiu miriakem. Haiu mau werek werek.” Te yi ap yertei han ki enuk kau werek werek au, te mit hir nertei hir hanhan neriuwi. Yi han ki ap yetenen menmen mai yaaim yapirwe. Yi yekre han ki yi yar ke mit enun hir nepu weinim ap netenen menmen au. Nanamir mi hiram ap mir werek werek au, yi yar ke mit nanamir toto, yi yire mit klos au, hir nepu yink weinik. Yi yau enum yar ik yekre han ki te yi yepitariyem. ¹⁸Hi hetpi him manp. Yi einaaiwir pewek mi yi enen te hi eweti menmen mai yaaim hiram yaaim minin pewek mamkaap han ki. Yi eiyit menmen im te han ki kaku werek werek. Yi eiyit menmen mai yaaim hiram mire klos yaaim mire hike kerek eiwapin han ki yi eiriuwetem hiram meteikin han ki hirak yaaik prar prar. Yi eiyit menmen mai yaaim hiram mire nekup mit newisim mekre nanamir te yi pike eiyir menmen mai werek werek. ¹⁹Yi mit miyapir kerek hi han han heriuwi hi eni aiwep. Te yi einakin tokim eiweikin sip eiwet menmen enum eiysisisa werek werek te hi aiwep au. ²⁰Yi eiyira. Hi herp weipir ke han ki eket teruk har ke mitik kerp weipir ke winak ke mitik hak hirak keket teruk. Mit kerek hir nemtau him mai hir naninen nankaisiu weipir ke han kir hi ano ninin atikeri, haiu mamu han kiutip mamir ke mit hir nekiyan nau naam menmen. ²¹Mit kerek hir nises him mai naninin menmen enum nar ke nipaa hi hises him me Haai kai God, hi hinin menmen enum, maain hi ewisi hir nanu yeno nantikewa nanit niuk iuwe naanmamre mit, nar ke nipaa God Haai kai kewisa hi etikerek wau yeno mirak. ²²Yi mit miyapir eiyimtau han ekitet menmen God Himin Yaaik ketpim men yi mit miyapir ne weiwik me God.

Mit neit wit ke God hir newenipi niuk mirak

4 ¹Jisas ketpo him men mit iuwe naanmipre mit miyapir ne sios o weiwik me God nerer wit wit epei au, hi herenaan hir weipir ke wit ke God kewep hirak kihi. Hi hemtau mitik ketpo him kar ke nipaa hi hinin hemtau him kirak iuwe ketpo kire mitik ketenwo taur kewen ken yanimin. Hirak ketpo kar ik: “Ti eniu enen in hi ateiknut menmen maain mamnen.” ²Hirak ketpo menmen epei au, God Himin Yaaik ketenen himin kai te hi hir yeno yaaim kerek mit iuwe ninin naanmipre menmen yapirwe hir newi. Hi hir yeno kiutip, hi hir mitik hak kewik. ³Hi hir ninaan mirak hiram mir mar ke nan yaaim jaspera kekite nan mire yiwir konilian. Hi hipir menmen mire manpen kewep him hiram meweikin

^x 3:18 Ais 55:1; Rev 3:5, 4:4, 16:15 ^y 3:19 1Ko 11:32; Rev 2:5 ^z 3:20 Jo 14:23; 1Jo 2:24
^a 3:21 Mt 19:28 ^b 4:1 Rev 1:1, 10 ^c 4:2 Sam 47:8; Ais 6:1; Esi 1:26; Rev 19:4 ^d 4:3 Esi 1:28

yeno me mitik iuwe. Menmen im mir mar ke nan yaaim emeral hiram yinamin. ⁴eHi hir 24 yeno meweikin yeno me mitik iuwe. Yeno im hiram yeno kerek mit iuwe ninin naanmipre mit miyapir hir newim. Hir 24 mit iuwe hir nau yeno im. Hir neriuwet klos mire gol mau paan kir meteikin hir mit iuwe. ⁵fMenmen mire nepni mewenin moke yeno kiutip ik men in men ein, mekite him miram matip mesikeyaanmi. Hi hir si mar hispinak wik (7) hiram mir meit yeno mirak. Si im hiram Himin Yaaik mar hispinak wik (7) me God. ⁶gMenep yeno im, menmen iuwe mire wan eik mepu. Hiram nemnok enum mire glas.

Hi hir menmen im nepni au, hi hir menmen tekyaaait (4) hiram mepu. Hiram meweikin yeno me mitik iuwe men pinak men pinak men yinak men yinak. Menmen im tekyaaait (4) hiram mepu, nanamir yapirwe mau mitet ninaan mir, mau men yak mir. ⁷Menmen ik kerek kepu hirak kinin kau menep hirak ninaan mirak mire pusi ke yaank wisenuk kinin sak, niuk mirak laion. Menmen ik kerek kepu, hirak kisesik keit yinak ik, hirak ninaan mirak hiram mire bulmakau neniuk. Menmen keiyak kepu yinak eik, hirak ninaan mirak mar ke mitik. Menmen mikaru meit sip, hirak ninaan mirak mar ke hore him keniuwe kau niu. ⁸hMenmen im tekyaaait (4) mepu, hiram miutip yapir mar hispinak kiutip (6) mowi. Nanamir yapirwe mau merer yink kir, han kinik yapir keit ninin. Witaan wanewik hir ap nekintip au. Hir natip nar ik: “Mitik Iuwe God hirak wisenuk hirak yaaik yaaik ap kire menmen ham au, hirak kinin menmen yapirwe. Nipaa hirak kepu ere in hirak kepu, maain hirak karpau.”

⁹iMenmen tekyaaait (4) im hiram mepu, hir nine henye newenipi niuk me God Iuwe kerek kau yeno ke mitik iuwe. Hirak kaku tipmain tipmain enum eik. Hir nine henye natip hirak iuwe, hir natip hirak yaaik. ¹⁰jMenmen tekyaaait (4) kerek hiram mepu hiram mine henye, te hir mit iuwe in nar 24 hir newen ninip niwaai ti menep ninaan me God kerek kau yeno mirak. Hir newenipi niuk mirak hirak God kerek kaku tipmain tipmain enum eik. Hir newir hat gol mir miwaai menep yeno mirak neteikin hirak iuwe kewetir menmen mirak iuwe te hir ninin naanmipre mit miyapir han. Hir niwaai en hir nine henye natip nar ik: ¹¹“Ti Mitik Iuwe kiau ti God. Ti Yaaik te haiu yapirwe mamwenipi niuk mit, haiu matip ti Yaaik, haiu hanhan ti ahinin naanemprai ehintar ti epei hiriak menmen yapirwe me ti metike nepni. Ti kerekek hanhan hiram mepu te ti epei hiriakem.”

^e 4:4 Ais 24:23; Rev 3:18; 6:11 ^f 4:5 Rev 1:4, 8:5, 11:19, 16:18; Esi 1:13 ^g 4:6 Esi 1:5-10, 22; 10:14 ^h 4:8 Ais 6:2-3; Esi 1:18, 10:12; Rev 1:4-8 ⁱ 4:9 Rev 19:4; Dan 4:34, 6:26, 12:7
^j 4:10 Rev 5:1, 7, 13, 6:16, 7:10, 15, 19:4, 21:5

Jon kir tiwei nipaa God keiyeptetek

5 ¹Hi hir mitik kerek kau yeno me mitik iuwe, hirak kentenem tiwei nokik kekere his yaaim mirak. Hir epei newis him mau ke pinak ke pinak. Hir epei newis tirhin mar hispinak wik (7) neiyepetek, hir newisyaan mewim te mit weinin han ap te nankaisiu tiwei ik naniwaankek au. ²Hi hir menmen im epei au, hi hir mitik ensel wisenuk. Hirak katip him iuwe kitehi kar ik: “Keimin yaaik hirak kakwep tirhin te kakinke tiwei ik?” ³Hirak katip epei au, hir nen nerer wit wit me wit ke God, wit mit ne ti newi o wit kerek mit nipaa naa himin kir kewi, te hir ap ninapin mitik kei kiutip hirak yaaik te kakwep tirhin kakinke tiwei ik. ⁴Hi hikit yapirwe hentar hir ap ninapin mitik kei hak hirak yaaik te kakwep tirhin kakinke tiwei kakir menmen mekrerek. ⁵Hi hikit te mitik iuwe kiutip kan kewena ketpo kar ik: “Ti ap ekite. Ti ahir mitik yaaik ik e kerek kinin naanmipre mit miyapir yapirwe. Hirak nepenyek iuwe ke Devit ke weiwik miutip niuk miram Juda. Hirak epei kinin menmen enum te hirak yaaik kakwep tirhin kakinke tiwei ik e.”

Jon kir mitik hirak ke God

⁶Hirak ketpo epei au, hi hir sak mau yink ke Mitik kewekin kire Sipsip hirak kehimitan mitik ik hirak kaa kesak menmen enum me haiu mit, hirak kerp menep yeno me Mitik Iuwe. Menmen tekyaaik kerek hiram mepu, hiram metike mit iuwe nar 24 mit hir neweikniwek. Hi hir kom mire kom me bulmakau mar hispinak wik (7) mau paan kirak meteikin hirak Mitik Iuwe naanmipre menmen yapirwe. Hi hir nanamir mar ke hispinak wik (7) mau paan kirak. Nanamir im hiram mehimitan himin yaaik hispinak wik (7) kerek God keriuweti nen nerer wit wit mit ne ti newi. ⁷Mitik keweikin kire Sipsip hirak ken keit tiwei kekere his yaaim me Mitik Iuwe kerek kau yeno me mitik iuwe king. ⁸Hirak ken kakit tiwei, mit iuwe nar 24 hir netike menmen tekyaaik kerek hiram mepu, hir yapirwe newen ninip menep Mitik keweikin kire Sipsip ik. Hir niutip niutip netenen menmen me henye mire gita mekrite dis me gol meriuwe menmen mire paura minin yaaim mekrerek ere mau him. Menmen im hiram mehimitan him yapirwe mit miyapir kerek nises him me God hir nitehi God em. ⁹Hir nine henye yaaim nipaa mit ninaam au. Hir natip nar ik: “Ti yaaik te ti ahit tiwei ik awep tirhin meiyepetek. Ti yaaik ariakem antar nipaa mit nitep ti haa, te ti heriuwe hemkre mit mewen ti pike heithis mit miyapir hir ne God. Ti heithis mit miyapir ne

^k 5:1 Rev 4:2, 10; Esi 2:9-10; Ais 29:11 ^l 5:5 Jen 49:9; Ais 11:1, 10; Rev 22:16 ^m 5:6 Jo 1:36; Rev 1:4, 5:12, 13:8; Sek 4:10 ⁿ 5:7 Rev 4:2, 10 ^o 5:8 Rev 8:3-4, 14:2, 15:2; Sam 141:2 ^p 5:9 Sam 33:3, 40:3, 96:1, 98:1, 144:9; Rev 14:3

weiwik yapirwe, mit miyapir natip him ham yapirwe, mit miyapir yink mir ham ham, hir ne weiwik yapirwe nau nerer wit wit me ti. ¹⁰ "Ti epei atorhis hir nire weiwik miutip, hir nire mit pris ne God hir niutip niriak menmen mirak nitiwekhi hirak kakikaap mit. Maain hir naanmamre mit miyapir nanu ti."

Mit newenipi niuk me Mitik keweikin kire Sipsip

¹¹⁻¹² "Hir nine henye epei au, hi hiwaainaan hir ensel enun yapirwe yapirwe. Hir neweikin yeno iuwe me God mekite menmen tekyaaait kerek mepu, hiram mekite mit iuwe nar 24. Hir neweiknor, hi hemtau hir nine henye natip him iuwe nar ik: "Sipsip ik kehimitan Mitik kerek nipaa mit nakip, hirak yaaik. Hirak yaaik kakit menmen iuwe te kakinin naanmamre mit miyapir netike menmen yapirwe. Hirak kakit manmen yaaim yapirwe, hirak kakirtei menmen yapirwe. Mit miyapir yapirwe nantip hirak yaaik haiu hanhan hir nanwenipi niuk mirak, hir natip hirak iuwe keit menmen yaaim me God." ¹³ "Hi hemtau menmen hir netpim epei au, hi hemtau menmen yapirwe meit wit ke God, mau meit ti metike menmen yapirwe mekre wan mekite menmen yapirwe meit wit kerek mit naa himin kir kewiyen. Hi hemtau menmen yapirwe hir netpim natip nar ik: "God hirak kau yeno iuwe mirak, hirak kekite Mitik hirak kire Sipsip. Hirakit teit menmen iuwe naanmipre menmen yapirwe. Haiu yapirwe matip hirakit yaaikit, haiu mewenipi niuk mirakit, haiu matip hirakit iuwe teit menmen yaaim iuwe." ¹⁴ Menmen yapirwe hiram matip epei au, menmen tekyaaait (4) kerek mepu hiram matip mar im: "Menmen im yaaim." Epei au, mit iuwe nar 24 hir newen ninip niwaai ti newenipi niuk mirakit.

Mitik keweikin kire Sipsip hirak kewep tirhin mau tiwei

6 ¹ "Hir nine henye newenipiyet epei au, hi hir Mitik keweikin kire Sipsip kehimitan mitik nipaa kaa kesak menmen enum maiu hirak keit tiwei tirhin hispinak wik (7) mewik, hirak kewep hak. Hirak kewep hak, hirak kiutip ke menmen tekyaaait (4) kerek hiram mepu hirak katip him iuwe kire nepni mewenin, hirak katip kar ik: "Ti enen!" ² "Hirak katip epei au, hi hir hos hak ke hike kiutip kan. Mitik keit wit ke God kau sip kirak hirak ketenen hine ke yipo henmik. Hir mit en newetiwek menmen mar ke hore haam hirak kewirem mekiuwe sip kentar hirak mitik enuk iuwe kakno kakinin mit kaknip. ³ Hirak epei ken, hi hir Mitik keweikin kire Sipsip kewep tirhin hak (namba 2) kau tiwei ik. Hirak kewep tirhin hak kau tiwei ik, hi hemtau menmen hak ke menmen kerek

⁹ 5:10 Eks 19:6; Ais 61:6; Rev 1:6, 20:6, 22:5 ^r 5:11 Dan 7:10; Hi 12:22 ^s 5:12 Rev 5:6; 1Kro 29:11 ^t 5:13 Rev 4:2, 10 ^u 6:1 Rev 5:1, 4:6 ^v 6:2 Sek 1:8, 6:1-6

hiram mepu, hirak katip kar ik: “Ti enen!” ⁴Hira katip epei au, hos hak epei kan hirak kire ninik. Mitik hak keit wit ke God hirak kau sip kirak. Hir newetiwek menmen iuwe te hirak kaknip mit nau naninepan hir naninep hiras nani. Hir newetiwek hine iuwe te hirak ken. ⁵Hirak ken epei au, hi hir Mitik keweikin kire Sipsip kewep tirhin hak (namba 3) kau tiwei ik. Hirak kewep tirhin hak kau tiwei ik, hi hemtau menmen ham me menmen kerek mepu hirak katip kar ik: “Ti enen!” Hirak katip epei au, hi hir hos kire nipiak kan. Mitik hak keit wit kerek God kewik, hirak ketenen skel mekre his mirak. ⁶Hirak ketenen skel mekre his mirak, hi hemtau him nimin ke menmen tekyaait (4) kerek mepu, hirak katip kar ik: “Mit nansiuwe rais mire hike mekre wa hesnu kiutip kerekek nanit pewek me wok me wi miutip mererim. Mit nansiuwe rais mire braunpela mekre wa hesnu wikak keremem, te hir nanit pewek me wok wi miutip mererim. Te ti ap ehiwaank wel mekite tipar wain.” Hirak ketpiwewekem epei au, hirak mitik kau hos hirak kinatin ken ti kakriakem kakisesim.

⁷Hirak katip epei au, hi hir Mitik keweikin kire Sipsip kewep tirhin hak (namba 4) kau tiwei ik. Hirak kewep tirhin (namba 4) kau tiwei ik, hi hemtau menmen ham me menmen tekyaait (4) kerek hiram mepu, hirak kiutip katip: “Ti enen!” ⁸Hirak katip epei au, te hi hir hos hak kire kono kan. Mitik hak keit wit ke God kau sip kirak niuk mirak “Mit nani.” Mitik hak niuk mirak “Si enum tatin mit” hirak kau hos kisesik. Hir netpor hiram yaaime te hirakit tatno tatnep mit miyapir niutip niutip nerer wit wit. Hirakit tatinkeri nar ke weiwik tekyaaime nerer wit wit te hirakit tatnep mit miyapir ne weiwik miutip nerer wit wit, hir nani. Hirakit tatnip tatir ik: Han naninepan nani, han naninap nani, han ninpi mamin nani, han miyak enum me yaank mamnip hir nani. Hir netpiwewekit nepei au, hirakit ten tintatin ten ti tiriakem tisesim. ⁹Hirakit epei ten, mitik keweikin kire sipsip kewep tirhin hak (namba 5) kau tiwei. Hirak kewep tirhin epei au, hi hir himin ke mit minik kinaan kerek mit newepwar menmen newet God em. Nipaa mit in hir natip mit miyapir him me God, te hir mit enun nanip naa. Hir naa nire sipsip mit nanip, te hir nan nau ninik kinaan im e.

¹⁰^xHir ninik neit kinaan, hir ninap natip, “Mitik Iuwe God, ti yaaik, ti Haai ke him yaaime. Ewaai meruri te ti skelim mit nau ti anip nanintar hir nipaa newep haiu maa?” ¹¹^yHir natip epei au, God katip hir nanit laplap mire hike nentar han kir hirak prar prar. Hir nepei netiwem, hirak ketpor kar ik: “Yi wen eimerir wi meiyam ere maain mit enun naninep ni yinan nantike mit han nisisa nar ke nipaa yi hiras yisisa hir niwep. Maain hir naninep mit kerek hi hehimiteni te hi skelim mit enum in anip.”

^w 6:8 Jer 15:1-3; Esi 5:12, 17, 14:21, 33:27 ^x 6:10 Rev 16:7; Diu 32:43; Sam 79:10

^y 6:11 Rev 3:4-5, 7:9, 13, 19:14

¹² Hirak katip epei au, Mitik keweikin kire Sipsip kewep tirhin hak (namba 6) kau tiwei ik. Hirak kewepim epei au, hi hir ti kitanik wisenum. Hi hir wepni (o yanm) keweikin kire nipiak kar ke wa yirak meket mesine miwaai ti. Wenke kewis pakin te hirak kire hemkre. ¹³ Hir yapirwe mau nepni menke men ti mire hinaan herpek menepep miwaai ti wi kerek yuwerep miniu man menepepim. ¹⁴ Hir yapirwe mau nepni menke men ti epei au, hi hir nepni hiremes mewen men misawin mire miyapir hir newen hause nesenkekim men niutip. Miniu (o neiyip) yapirwe kiutip kiutip kenke kiwaai ti mire meri mewen. Wit wan kimaam keketim hiram yapirwe mewenin mekre tipar. ¹⁵ Menmen im epei man, te hi hir mit iuwe ninin naanmipre mit nau ti, hir netike mit iuwe gavman, mit iuwe ne ami, mit iuwe netenen pewek iuwe, mit han niuk mir iuwe, hir mit yapirwe niriak menmen ap neit pewek mererim, hir mit han au nau werek werek. Hir yapirwe nirir nen nisawin. Han nisawin nekre miniu (o neiyip) o han iuwe me ti, han nisawin ninik nan iuwe me miniu (o neiyip). ¹⁶ Hir nisawin neit ein hir hanhan nitehi nan metike miniu hir natip nar ik: "Haisu hanhan yi yayinke eiwep haiu mami te yi eisonai te haiu ap mamir ninaan me God kerek kau yeno mirak iuwe, hirak ketike Mitik keweikin kire Sipsip kerek han enuk keriuwai kakwep. ¹⁷ Wi enum epei man te God skelim haiu mit kakintar menmen enum haiu mit miriakem. Neimin hir nepu hir naanmampre hiras ne mitikit wiketeret kerek hirakit han enuk tatnip? Taau!"

Mit ne Isrel nar 144,000 hir ensel ne God newis mak mau maat kir

7 ¹ Maain hi hir mitikit ensel tekyaaat (4) terp teweikin ti mit newim. Hirakit terp tewen nime te hiram ap miniu meit wit o wan au. Hiram ap miniu menep nu memenpep tiwei au. ² Hi hiret epei au, hi hir ensel hak ke God kerek kepu, hirak keke wit wepni kokai kan, hirak ketenen mak ke God kekere his mirak. Hirak kinap kenine him iuwe katip ensel tekyaaat (4) kerek God ketpiwekit hirakit tatiwaank ti mit newik kekite wan. ³ Hirak ketpiwekit kar ik: "Yi ap yayiwaank ti o wan o nu mau ti ere haiu ensel in haiu mamwis mak me God mamu maat ke mit miyapir kerek nises him me God meteikin hir nirak te menmen mamiwaanki au. Maain yi yayiwaank menmen." ⁴ Hirak katip epei au, hi hemtau hir newis mak me God mau maat ke mit miyapir. Hir netpo hir newis mak me God mau maat ke mit miyapir ne Isrel nar ke 144,000 mit. ⁵ Hir ne weiwik miutip me Juda 12,000 neit mak. Hir ne weiwik miutip me Ruben 12,000 neit mak. Hir ne weiwik miutip me Gat 12,000 neit

^z 6:12 Mt 24:29; Ap 2:20; Rev 8:12 ^a 6:13 Ais 34:4 ^b 6:14 Rev 16:20 ^c 6:15 Ais 2:10, 19, 21 ^d 6:16 Lu 23:30; Rev 4:2, 10 ^e 6:17 Joe 2:11; Nea 1:6; Mal 3:2 ^f 7:1 Jer 49:36; Dan 7:2 ^g 7:3 Esi 9:4, 6; Rev 9:4 ^h 7:4 Rev 14:1, 3

mak. ⁶Hir ne weiwik miutip me Asa 12,000 mit neit mak. Hir ne weiwik miutip me Naptalai 12,000 mit neit mak. Hir ne weiwik miutip me Manasa 12,000 mit neit mak. ⁷Hir ne weiwik miutip me Simion 12,000 mit neit mak. Hir ne weiwik miutip me Livai 12,000 mit neit mak. Hir ne weiwik miutip me Isaka 12,000 mit neit mak. ⁸Hir ne weiwik miutip me Sebyulan 12,000 mit neit mak. Hir ne weiwik me Josep 12,000 mit neit mak. Hir ne weiwik miutip me Bensamin 12,000 mit neit mak. Hir mit yapirwe in e hir neit mak me God mewi.

Mit miyapir yapirwe newenipi niuk me God

⁹ⁱMaain, hi hir mit miyapir yapirwe te hi ap hewenhisi au. Hir nerer wit wit, yink mir ham ham, hir ne weiwik ham ham yapirwe, hir natip him ham him ham yapirwe. Hir nerp ninaan me Mitik Iuwe kau yeno mirak ketike Mitik keweikin kire Sipsip. Mit miyapir in hir namir laplap nokim mire hike, hir netenen wapnake mekre his mir meteikin hir ninin menmen enum. ¹⁰^jHir netenen wapnake mekre his mir, hir ninap natip him iuwe, “God kau kerek kau yeno mirak, hirak ketike Mitik kerek keweikin kire Sipsip hirakit epei tekepai pike tetaihis haiu mepu werek werek.” ¹¹Mit yapirwe ensel nerp neweikin yeno me Mitik Iuwe ketike menmen tekyaaait kerek hiram mepu, metike mit iuwe nar 24. Ensel hir newen ninip niwaaai ti menep yeno im newenipi niuk me God. ¹²^kHir natip nar ik: “Haiu matip werek. Haiu han yaaik iuwe mamriuwe God kau. Haiu matip me menmen yaaim mirak. Hirak kerekek kertei menmen werek werek, haiu matip hirak yaaik. Hirak niuk mirak iuwe, hirak mitik enuk manp enuk kinin menmen yapirwe. Haiu hanhan menmen yapirwe hiram mamwenipi niuk mirak tipmain tipmain enum eik.”

Mit ninaaiwir menmen enum nipaa manip neit ti te hir nepu werek

¹³^lMitik iuwe kiutip nimin ke mit iuwe nar ke 24 hirak kan kitauhi kar ik: “Ti hertei mit ein kerek namir laplap mire hike? Hir nei ne nein? Hir neke nein nan?” ¹⁴^mHi hewenhi hetpiwek har ik: “Ti kerekek ti herteiri. Hi au.” Hirak katip, “Mit miyapir in hir mit enun nepan hir nerekyor enum nanip naa. Hir nises him me God werek werek, te menmen im hiram mar ke hir nekemyet laplap mir meriuwe hemkre me Mitik keweikin kire Sipsip te laplap mir hiram mire hike enum meit meteikin han kir hirak yaaik prar prar. ¹⁵ⁿHir wen nises him me God mit nanip naa, te hir in ek hir nerp ninaan me God kau yeno mirak, hir witaan wanewik hir niriak menmen mirak neit winak kirak yaaik neit nimin en.

ⁱ 7:9 Rev 5:9, 6:11 ^j 7:10 Rev 12:10 ^k 7:12 Rev 5:12, 11:17 ^l 7:13 Rev 7:9 ^m 7:14 Mt 24:21 ⁿ 7:15 Rev 3:12

Hirak God kerek kau yeno mirak hirak naanmampror. ¹⁶°Maain hir ap ninpi mamın meiyam o hanhan nanım tipar meiyam nanu enum nanır ik ek au. Wepni (o yanm) ap kaknip o siwaan ap mamnip au. ¹⁷P^PHir nanu werek nanıtar Mitik keweikin kire Sipsip kerek kerp nımın me yeno me God, hirak naanmamror kire mitik naanempre sipsip. Hirak kerıyei kerı kakno wit kerek hitik tipar miwaai mekrerem. Mar im hirak naanmamre mit miyapır hir hekrit hekrit hir han yaaik nanu nanıt menmen yaaim. God kaksıunen wan tipar mau nanamır kir te maain hir ap pıke nankıt meiyam au.”

Mitik keweikin kire Sipsip kewep tirhin hispinak wik (7) mau tiwei

8 ¹°Hi hir menmen im epei au, hi hir Mitik keweikin kire Sipsip pıke kewep tirhin namba 7. Hirak kewep tirhin ik kau tiwei, maain kike, menmen yapırwe meıt wit ke God kekıntıp wire wire meıt. ²Menmen mekıntıp wire wire meıt ere werek, hi hir ensel hispinak wik (7) kerek nerp nınaan me God. Hir nari taur hispinak wik (7) netenenım, maain hir netenwım nıram. ³Hır neıt taur hispinak wik (7) nepei au, hi hir ensel hak kan kerp menep kınaan alta ketenen menmen mıre mıın hıram me gol. Mıın im hıram menmen me metenen wanıu (o wın) maain hir sı tatım, sı tiwekre mıram hıram mıın yaaim. Hirak keıt wanıu (o wın) yapırwe, te hirak kakısıyem mamrıuwe hım kerek nıpaı mııt nıses God hir nıtıwekhi menmen merıuwerem. Hirak kakısıyem kakıntar kınaan merp menep yeno God kewım te hirak han yaaik kerıuwerem. ⁴Hırak kesıyem, sı tiwekre mıram, metıke hım nıpaı mııt nıses God hir nıtıwekhi menmen merıuwerem, hıram mınu menep nınaan me God me hıs me ensel keıt nınaan mırak. ⁵°Sı tiwekre mınu men, ensel keıt sı mau kınaan kewısım mekre mıın me gol, keteıkın in ek God kemtau menmen mııt nınık kınaan nıtıwekhiyem hirak kaknep mııt kakrıuwerem, hirak keıyım kewırem men tı. Hirak kewırem men tı mııt newık, hıram nepni mewenın mıır mıre sı, sı men in men ein, menmen iuwe mepupu mekre nepni, tı kitanık enuk.

Ensel tekyaaıt (4) te ensel hispinak wik (7) tetenwo taur mirakit.

⁶Hırak ensel kewır mıın mıre gol men tı, ensel nar hispinak wik (7) kerek netenen taur, hir newıs taur mau hım kir nantenwewım. ⁷°Hırak ensel kıutıp ketenwo taur kırak te hawı kire ais ketıke sı hemkre mekrerem hıram men tı. Ham mıutıp merer wıt wıt me ham wıkak merer wıt wıt me tı, hıram sı taam te nu pınam metıke yenkis mewım hıram

° 7:16 Ais 49:10 P 7:17 Rev 5:6, 21:4; Jo 10:11; Sam 23:2; Ais 25:8 ° 8:1 Hab 2:20
 † 8:3 Rev 5:8, 9:13; Eks 30:1-3 ° 8:4 Rev 5:8 † 8:5 Lev 16:12; Eks 19:16-19; Rev 4:5, 11:19, 16:18 ° 8:7 Eks 9:23-26; Esi 38:22; Joe 2:30

si taam ere mesi. ⁸Menmen im man nepei au, hirak ensel hak (namba 2) hirak ketenwo taur kirak te mitik ensel hak kewir menmen mire miniu (o neiyip) hiram metnen mire si men miripe wan. Ham miutip me ham wikak me wan hiram meweikin mire hemkre. ⁹Menmen yapirwe mepu mekre wan kerek si miripe wan im meweikin mire hemkre, hiram yapirwe maa. Sip yapirwe menterer wan kerek si miripe wan hiram mewaank meit. ¹⁰Nepei au, hirak ensel hak (namba 3) ketenwo taur kirak, te hi hir menmen mire hir mau nepni hiram metnen mire wapnake hiram minatin meke nepni miripe mani metike hitik. ¹¹Ham miutip me wikak me mani yapirwe merer wit wit hiram meweikin mire tipar enum menip mit miyapir nani merikir nin mire tiuwe hirip. Mit miyapir yapirwe naa nentar hir naam tipar enum im. ¹²Hir naam tipar enum epei au, hi hir ensel hak (namba) ketenwo taur kirak. Hirak ketenwewik te ham miutip me wikak me wepni, wenke, hir, hiram ap mir au. Wepni (o yanm) ap kir mei miutip me wi kerek hirak kir kau ti ik au. Wenke ke witaan ketike hir hiram mises menmen me wepni kiriakem ap mir mei miutip me witaan. ¹³Hi hir menmen im epei au, hi hir hore him keniuwe kau niu te hi han kitet har ik: “Menmen enum mamnen.” Hirak keniuwe kau niu hi hemtewek katip him iuwe kar ik: “Menmen enum menmen enum menmen enum mamnen mit miyapir ne ti mamiwaanki me wi mitikit ensel hirakit wikak tatenwo taur mirakit mikaru.”

Ensel hak (namba 5) ketenwo taur kirak

9 ¹Hore him keniuwe ken epei au, hi hemtau ensel hak (namba 5) ketenwo taur kirak. Hirak ketenwewik, hi hir saur hak kinatin keke nepni kan ti. Hirak kehimitan mitik ensel hak. God kewetiwek ki me weipir hiram miwapin hei enuk kesikekre te hir mit ap te nanmunaan nanir ti nimin ein au. ²Hirak kikaisiu weipir ke hei enuk ik, si tiwekre iuwe mire mit nesi ni hiram miniu mekre hei man ere miwapin wepni ketike nepni hiram toto. ³Nepni hiram toto, hi hir weise meke si tiwekre menetnen man ti. God keweikin his em hiram menep mit mar ke mispenepnam (o nikinpinepnam). ⁴God epei ketpor kar ik: “Yi ap yayim yenkis o nu tiwei menmen yapirwe mewo mau ti te yi yayiwaankem au emit! Yi einep mit kerek mak me God ap mau maat kir, yi einip keriyen. ⁵Yi einep mit in eiyiwaanki me wenke hispinak (5) keremem te yi ap einip nani au emit!” Weise im menep mit te yink kir kenen (o meiyewor) mar ke henik manip minwo. ⁶Me wi weise mau ti, mit miyapir yapirwe hanhan iuwe te nani, te God kaknipi ap nani taau. ⁷⁻⁸Hi hir weise

^v 8:8 Eks 7:20-21 ^w 8:11 Jer 9:15 ^x 8:12 Rev 6:12-13 ^y 8:13 Rev 9:12, 11:14 ^z 9:1 Rev 20:1 ^a 9:2 Jen 19:28; Joe 2:2, 10; Eks 19:18 ^b 9:3 Eks 10:12, 15 ^c 9:4 Rev 7:3
^d 9:6 Jop 3:21; Jer 8:3; Rev 6:16 ^e 9:7 Joe 2:4 ^f 9:8 Joe 1:6

im hiram menmen mau yink mir mire hos mit hir newir menmen niwapinem nanino nantike mit han naninepan. Hi hir menmen mire hat me gol mau paan kir. Ninaan mir mire ninaan me mit, paan mir nokim mire paan ke miyapir. Mekre him mir hi hir yehes mir hiram iuwe mar ke sak nikin. ⁹Hi hir menmen mire nopen kike miwapin han pank miram. Yapir miram matip meniuwe mar ke hore haam yapirwe meniuwe mariyaam yapir matip. ¹⁰Hi hir ponik kir kire ponik ke mispenepnam (o nikinpenepnam) nikin kewik hir nenep mit neriuwerem. Hiram menep mit ere wenke hispinak (5) meriuwe ponik kir meriuwet nap minwi. ¹¹Mitik iuwe kinin naanmamre weise enum im hirak mitik iuwe kerek naanmipre hei enuk kerek kesikekre te hir mit ap nanir ti nimin ein au. Niuk mirak me him me Isrel “Abadon.” Niuk mirak me him Grik, hiram “Apolyon” o “Mitik enuk kewaank menmen.”

¹²Menmen enum im miutip mewaank mit hiram nepei au. Yi eiyirek! Hi hir menmen enum wik mikaru epei mamnen kerek hore him nipaa ketpim hiram mamnen.

Ensel hak (namba 6) ketenwo taur kirak

¹³Hi hir menmen im epei au, hi hemtau ensel (namba 6) ketenwo taur kirak. Epei au, hi hemtau him me mitik katip nimin ke kom tekyaait (4) kau kentar kinaan me gol kerek ensel niman si menmen minin yaaim newet God em. ¹⁴Hirak katip ensel hak (namba 6) kerek ketenwo taur, hirak ketpiwek kar ik: “Ti esiupan ensel tekyaait (4) enukit kerek God nipaa kesenkikit hirakit tau teit mani iuwe Yufretis. Ti esiupanet hirakit tato.” ¹⁵Hirak ken kesiupanet hirakit ten tehimitan hir mit miyapir yapirwe nau ti nar weiwik wikak nerer wit wit, maain hirakit tatnep mit miyapir ne weiwik miutip nerer wit wit. Nipaa God kehimitenikit hirakit tau teit temerir wenke ik, wi im me tito im te hirakit patriak menmen im. ¹⁶Hir ensel hir ninin, mit niriak menmen mir hir nau hos nisesi. Hi hemtau mitik hak katip hir yapirwe nire 200 milion mit. ¹⁷Hi wen hityak hir mit netike hos mir. Hiram marim: Mit han in netike hos hir neriuwet ain mire ninim mau han pank, han neriuwet ain mire yinamin, han mire kono. Hos paan kir hirak kire pusi ke yaank laion hirak wisenuk kinin sak niuk mirak laion. ¹⁸Si tiwekre metike si, si me nan sulfa meke him mir man. Marim hir nenep mit miyapir yapirwe ne weiwik miutip nerer wit wit nipaa hir nehimitenor. ¹⁹Hiram menep mit meriuwe him kiram keremem au. Hiram menep mit meriuwe him ketike ponik kiram. Ponik hiram mire manpen (o yenmik) paan kewim te hir nenep mit neriuwe menmen im hir naa neit.

⁹ 9:9 Joe 2:5 ^h 9:12 Rev 8:13 ⁱ 9:13 Rev 8:3 ^j 9:14 Rev 16:12 ^k 9:15 Rev 8:7-12

²⁰ Hir nenep mit miyapir yapirwe meriuwe menmen mir enum te mit miyapir wen nau ti ap neweikin sip newet menmen enum, nises him me God au. Hir ap neweikin sip newet tipir, teinik ninaan me nu hir nimaam me gol o silva o nan au. Menmen im hir newenipi niuk mir hiram ap miriak menmen kike au. Hiram ap mampir menmen o memtau menmen o mekrit men in men ein taau. ²¹ Hir ap neweikin sip newet menmen enum me tipir au, hir ap neweikin sip newet menmen enum me hir nenep mit naa, menmen me nasi o nari miyapir his newenem niriran, o nekintip menmen. Au, hir wen nisesim nau neit.

Ensel kewet Jon tiwei hirak ketiwek kaak

10 ¹ Menmen im epei man, hi hir ensel hak wisenuk keke wit ke God kan. Napi miwapinek mar ke klos mit neriuwetem miwapin yink kir, manpen (o yenmik) kewep him kau paan kirak kau niu, ninaan mirak mir mire wepni, hit mirak merhihe mar ke si. ² Hirak ketenen buk hak kike kekere his mirak hirak kewep (o keyi) kiwaai. Hirak kewis hit yaa'im mentar wan, hit henkik merp ti, ³ hirak in ek kinap kenine him iuwe, him kewen ken yanimin. Hirak kenine him iuwe te nepni mewenin mar ke hispinak wik (7) matip him. ⁴ Hiram matip epei au, hi hare ewis menmen im mamu tiwei, te hi hemtau him me mitik hak meke wit ke God man hirak ketpo kar ik: "Him me nepni mewenin hiram metpim ti ap ewisim mau tiwei kit emit! Ti hisawinem ap ewepyapirem emit!"

⁵ Hirak katip epei au, hi hir ensel kerek nipaa kerp kentar wan metike ti, hirak kikiam his yaa'im mirak men niu. ⁶ Hirak kikiam his yaa'im mirak men niu, hirak katip kar ik: "Hi hatip werek hekrehir ke God kerek nipaa kiriak nepni, ti ketike wan, menmen yapirwe mewim, hirak kerek kaku tipmain tipmain enum eik. Hi hatip haiu ap mamerir wi meiyam mamnen au. ⁷ Maain yi yayimtau ensel hak kar ke hispinak wik (7) hirak kaktenu taur kirak, menmen God kiriakem kisawinem hiram epei au mesi. Nipaa God katip mit nirak profet menmen im hir newisim mau tiwei. Te hiram mamnen mar ke nipaa hirak ketpor."

⁸ Mitik ensel ik katip epei au, mitik keit wit ke God nipaa ketpo menmen, hirak pike ketpo him ketpo kar ik: "Ti eno ehit buk kewep (o keyi) kiwaai his yaa'im me mitik ensel kerek kerp wan metike ti." ⁹ Hirak katip epei au, hi hen hir mitik ensel hi hetpiwek har ik: "Ti eweto buk kewep (o keyi) kiwaai his mit." Hirak kewenhi ketpo kar ik: "Ti etiwek ehik. Ti ehik hirak yaaik katin him, te maain mekre tu kit hirak enuk him sisi." ¹⁰ Hirak ketpo epei au, hi heit buk ik ke his me mitik ensel

¹ 9:20 Rev 16:9, 11; Ais 2:8, 20; 1Ko 10:19-20; Sam 115:4-7, 135:15-17; Dan 5:23

^m 10:4 Dan 8:26, 12:4, 9 ⁿ 10:5 Diu 32:40; Dan 12:7 ^o 10:6 Nia 9:6; Sam 146:6

^p 10:7 Dan 9:6, 10; Emo 3:7 ^q 10:9 Esi 2:8, 3:1-3

hi haak. Hi haak hirak yaaik katin him kire hinaan, te maain hi haak henektin, hirak kekre tu kai enuk him sisi kentar him enum mekrerek maain mamnen mamnep mit. ¹¹Hi haak henektin, mitik ketpo kar ik: “Buk ik ti nepei haak hirak kakikepit te ti pike atip awepyapir him me God me menmen yapirwe mamnen mit miyapir kerek natip him ham him ham nerer wit wit, yink kir hak hak, hir netike mit iuwe nir naanmipror.”

Him me mitikit wiketeret ten ti tewepyapir him me God

11 ¹Hirak ketpo epei au, hir neweto henmik netpo nar ik: “Ti eno enin mak ke winak iuwe ke God keit ti ketike kinaan mit newepwar menmen newet God menmen menterim. Epei au, ti ewenhis mit miyapir kerek newenipi niuk me God neitai. ²Te ti ap enin mak ke niwa hiram meit witeik meweikin winak iuwe ke God au ekiti! Ti ap enin mak ke niwa im mentar God kakwis mit ap ne weiwik me Isrel hir naninen wit Jerusalem me 42 wenke hir naanmamre mit nanu en, hir naniwaank menmen meitai. ³Hi God awet mitikit wik tai menmen mai iuwe te hirakit tatno tatwepyapir him mai. Hirakit tatmir laplap mire bek rais tatiteikin mit hirakit yink enuk teriuwe menmen enum mir te hirakit tatu tatwepyapir him mai me tito wikak wenke hispinak kiutip (o 42 wenke).

⁴Mitikit wik it hirakit tire nu Oliv wik tetike lam wik kerek nipaa mitik profet Sekaraia ketpim, terp ti tiriak menmen te Mitik Iuwe God kerek kinin naanmipre mit nau ti hirak kiret. ⁵“Mit han hir hanhan naniksip, si mamike him kirakit si tatin mit enun in. Neimin hir naniksip hir nani nanriuwe si enum im. ⁶“Hi awisikit hiram yaaim me hirakit tatnip nepni te hawi ap kaknen me wi hirakit terp ti tewepyapir him mirakit. Hirakit iuwe te hirakit tertei teweikinhis tipar hiram mire hemkre, o tatiwaank mit miyapir ne ti hir naninap nanriuwe menmen enum. Wi hirakit hanhan tatriakem, hirakit tatriakem.

⁷“Maain mitikit wiketeret hirakit tatitip him mirakit tatwepyapirem epei au, tipir enuk keweikin kire miyak hirak kakniu kakoke hei enuk kesikekre, hirak kakniu kaknen kaktikeret tatnepakit kakinet kakiksip tati. ⁸“Hirak kakinet kakiksip tati, herwe yink mirakit mamwaai yayiwe ke wit Jerusalem. Haiu matip tok piksa haiu menewem wit Sodom o Isip mentar wit im mit newi hir mit enun nepan ne God. Hirak wit kerek Mitik Iuwe kir mit newenkekik kau nu tentarakit. ⁹Mit miyapir han natip him ham him ham nerer wit wit kerek mit nau ti, hir nanir herwe yink mirakit me wi wikak metike wi ham pinam kike. Hir ap nanwis mit nanwisikit

^r 11:1 Esi 40:3; Sek 2:1-2 ^s 11:2 Lu 21:24; Rev 12:6, 13:5 ^t 11:4 Sek 4:3, 11-14

^u 11:5 2Sml 22:9; 2Kin 1:10; Sam 97:3; Jer 5:14 ^v 11:6 1Kin 17:1; Eks 7:17-20; 1Sml 4:8

^w 11:7 Dan 7:21; Rev 12:17, 13:1, 7, 17:8 ^x 11:8 Lu 13:34

tatikre hei au nentar hir han enuk neriweret hir hanhan nanrekyiwekit enum. ¹⁰Mit miyapir yapirwe nau ti hir han yaaik nanintar hirakit tati. Hir han yaaik te hir nanrire nanwetan menmen nanintar mitikit profet wiketeret hirakit tewaank mit miyapir nau ti terekyor enum hirakit taa.

¹¹Hirakit tatwaai me wi wikak metike wi ham pinam kike, God kaksuwe nap mamnen mamu mamikreret te hirakit pike tatikrit tatirp. Hirakit pike tatikrit tatirp, mit miyapir kerek naniret hir nanipirpir wisenum. ¹²Hir nanipirpir wisenum hir nanimtau him me mitik keit wit ke God hirak kaktip kakir ik: “Yi wiketeret yi einiu einen in.” Hirak kakitpiwekit mit enun nepan nirakit naniret tatniu tatikre napi tatno wit ke God. ¹³Hirakit tatno wit ke God, waswas ti kaktanik wisenuk, pinak kiutip ke wit kiutip hir nenke pinam mar hiswiyen (10), hirak kakwep te mit miyapir nanir ke 7,000 nani nanit ein. Mit han wen nanu wit Jerusalem hir nanipirpir wisenum nanwenipi niuk me God kerek kau wit kirak iuwe.

¹⁴Menmen im mamnen te menmen enum namba 2 hiram mamisi. Yi eyimtau. Maain kike menmen enum namba 3 mamnen.”

Ensel hak (namba 7) hirak ketenwo taur kirak

¹⁵Hirak ketpo menmen im epei au, hi hemtau ensel hak (namba 7) ketenwo taur kirak. Hirak ketenwo taur kirak, hi hemtau him me ensel neit wit ke God hir ninap natip: “Mit miyapir nerer wit wit nau ti, in ek Mitik Iuwe kaiu ketike Mitik Kraisk kerek hirak kehimitanek ken kikaap mit ne ti hirakit tatinin naanmamre mit miyapir yapirwe. Hirak kaku kakit tipmain tipmain enum eik naanmamri.” ¹⁶Hir natip epei au, mit iuwe nar 24 kerek nau yeno me mit iuwe menep ninaan me God, hir newen ninip niwaai newis maat ken ti newenipiyek. ¹⁷Hir newenipiyek natip nar ik:

“Haiu matip haiu han yaaik merwit. Ti God kaiu mitik iuwe. Nipaa ti hepu ere in ti hepu. Haiu han yaaik mentar ti epei heit menmen mit iuwe naanmipre mit miyapir heriuwerem.

¹⁸Mit nerer wit wit hir epei han enuk nerwit nentar in ek ti han enuk heriuwi (o herweri). Wi epei man te ti skelim mit miyapir kerek nipaa naa. Wi in ti ewet mit kerek niriak menmen mit netike mit profet netike mit miyapir kerek newenipi niuk mit nises him mit, ti ewetir menmen. Hir mit niuk iuwe, hir au weinin, ti ewetir menmen mit yaaim. Wi epei man te ti ehiwaank mit miyapir kerek newaank mit miyapir nau ti.”

^y 11:11 Esi 37:5, 10 ^z 11:12 2Kin 2:11 ^a 11:13 Rev 8:5, 16:18 ^b 11:14 Rev 9:12

^c 11:15 Eks 15:18; Sam 10:16; Dan 2:44; Oba 21 ^d 11:16 Rev 4:4, 10 ^e 11:17 Rev 1:4, 8, 15:3 ^f 11:18 Sam 2:1, 46:6, 115:13; Ro 2:5; Rev 10:7, 19:5, 20:11-13

¹⁹Hir natip epei au, hi hir winak iuwe ke God keit wit kirak kewep kihi kerp keit te hi hir bokis kontrak kehimitan him God nipaa kewet mit ne Isrel em, hirak keit nimin kiwaai yaain. Hi hir bokis keit nimin kiwaai yaain, hi hir nepni mewenin hemtewem hiram mewenin, hi hir ti kitanik, hawi yuwerep mire ais man ti.

Him me mite wetike kirin enuk

12 ¹Menmen im epei man, hi hir menmen wisenum meit nepni. Hi hir menmen mire mite. Hire weriuwet klos mirius mire wepni mau yink kire. Wenke kau kinik hit mire, hire wewis hir mar hiswiyen wik (12) mire hat kerek mit iuwe hir nemun, hire wemun mau paan kire. ²Hire wepitu tu himir ketniniwe weteiknen wawine nikan te hire wenepip. ³Hi hir menmen im epei au, hi hir menmen ham wisenum meit nepni mire kirin. Hirak yink kirak kire ninik, hirak paan kirak kar hispinak wik (7), kom mar hiswiyen (10) mewim. Hirak kewis hat me mit iuwe mar hispinak wik (7) mau paan mirak im. ⁴Hirak kiwaai ponik kirak keyiyik kari hir ham miutip me pinam wikak mau nepni. Hiram lain miram mar wik mepu nepni, miutip au hirak keriyaam keyiyim ken ti. Hirak kerp menep ninaan me mite wepitu kemeriwu hire wawine nikan. Hirak kemeriwu wawine nikan te hirak kakikip kakik. ⁵Maain hire sip newenep hire wine nikan hirak kakinin naanmamre mit miyapir yapirwe nerer wit wit naanmamror werek werek wisenum. Hire wine nikan epei au, kirin kakikip kakik au. Hir mit ensel ne God netiwekhis neiyik nen yeno kerek God kewim. ⁶Mite ip au wirir wen yaank weinik ap mit newik au, wit kerek God nipaa epei kenipek his yaaim te hire wawu werek wawit en. Hir mit ensel nirak naanmamrewe me tito wikak metike wenke hispinak kiutip (o 42 wenke).

⁷Hi hir menmen im epei au, mit ensel neit wit ke God hir nenepan. Maikel ketike mit ensel nises him mirak hir netike kirin ketike mit ensel enun nirak hir yapirwe nenepan. ⁸Hir yapirwe nenepan te kirin ketike ensel enun nirak ap ninini au. Maikel ketike ensel nirak ninini te hir ap newisi nanu nanit wit ke God me wi meiyam au. ⁹Hir nepir kirin ketike ensel nirak ninaaiwir wit ke God. Kirin, hirak manpen (o yenmik) ke nipaa enum eik kepu, mit nenewek Seten, hirak kepno menep ninaan me God kesiuwe him katip God haiu mit enun. Hirak mitik enuk kewises mit miyapir nerer wit wit nau ti. Hir ensel yaain ne God nepirek ketike mit ensel nirak enun, hir newirek ketikeri nen ti.

⁸ 11:19 Rev 8:5, 15:5, 16:21; Hi 9:4 ^h 12:2 Mai 4:10 ⁱ 12:3 Dan 7:7 ^j 12:4 Dan 8:10
^k 12:5 Ais 7:14; 66:7; Sam 2:9; Rev 19:15 ^l 12:6 Rev 11:2-3 ^m 12:7 Ju 9 ⁿ 12:9 Lu 10:18, 22:31; Jen 3:1, 14; Rev 20:2

¹⁰ Hir newirek ketikeri nen ti, hi hemtau him ke mitik keit wit ke God. Hirak katip kar ik: “In ek God kiau hirak ketaihis hirak kinin menmen yapirwe keriuwe menmen mirak iuwe. Mitik kerek hirak kehimitanek kan ti kikaap mit hirak keit menmen iuwe me God, hirak Mitik Iuwe. Hirak Mitik Iuwe kentar mit ensel epei nepir mitik enuk kerek witaan wanewik hirak kepnen menep ninaan me God kesiuwe him katip God mit nau yinan nau ti kerek nises him mirak hir enun. ¹¹ Nau yinan hir epei nininek neriuwe hemkre me Krai hirak kire Sipsip kerek nipaa hemkre mewen men ti. Him God kerek hir netpim newepyapirem hiram mekepi te hir nininek. Hir ap ninaain nani te hir hanhan nanu ti au. Hir newis mit enun nanip naa nentar hir nises God him mirak. ¹² Te yi mit yeit wit ke God yetike menmen yapirwe yi han yaaik eiyu. Te yi mit miyapir yetike menmen yapirwe me ti yi naanmamre hiras. Seten epei kakikiuwe kaknen ti han enuk wisenuk kakriwaank kakintar hirak kertei wi epei man menep te God kakiwaankek kakwirek kakikre si.”

¹³ Kirin kertei hir nepirek, hirak ken ti, hirak kekrit koyei mite kerek nipaa wine nikan hirak. ¹⁴ Hirak koyei mite ip te kaaup au. Hir mit ensel newetiwe yapir mei me hore him te hire weiyim weniuwe wen yaank weinik mit ap newi au, hire waunaaiwir kirin enuk ek hire wen wawu wawit yanimin. Hire wawu wawit en tito wikak metike hawi hitan kiutip (o 42 wenke), hir naanmamprewe me menmen. ¹⁵ Hire wirir weniuwe wen, kirin kewep him kirak, tipar wisenum mire mani mekiuwerek men. Tipar mekiuwerek men mises mite ip e, te sir miram mamnanep meiyip mamno hire wawi. ¹⁶ Sir miram mamnanep meiyip mamno, ti hirak kekepiye kewep te tipar mekiuwerek men nimin kerek nipaa kirin kenikinem meke him kirak minanep meiyip men. ¹⁷ Ti kekepiye kewep te tipar men nimin kerek nipaa kirin kenikinem, hirak kirin han enuk wisenuk keriuwe mite ip, te hirak kinaiwirep kirir ken kaknep nikerek han hire nipaa winen. Nikerek in hir mit miyapir kerek nises him me God hir natip newepyapir hir nises him me Jisas. ¹⁸ Kirin ken kerp تنهاان ke wan.

Miyak wiketeret tewepyapir hirekses

13 ¹ Kirin kerp تنهاان me wan eik, hi hir mitik keweikin kire miyak wisenuk hak kiniu keke wan kan. Hirak kom mirak mar hiswiyen (10) mepu, paan mar hispinak wik (7) mewik. Hat me mit iuwe mar hiswiyen (10) mau kom mirak, niuk enum mau paan mirak mar hispinak wik (7). Niuk im hiram him enum metawin God. ² Miyak wisenuk kerek hi hirek keke wan kan, hirak yink kirak kire pusi ke

° 12:10 Jop 1:11; Sek 3:1 P 12:12 Ais 44:23, 49:13 q 12:14 Dan 7:25, 12:7 r 12:17 Rev 11:7, 14:12 s 13:1 Rev 12:3, 17:3, 7-12 t 13:2 Dan 7:4-6

yaank niuk mirak lepat, hit mirak mire miyak enuk kinin sak niuk mirak bea, him kirak kire pusi ke yaank kinin sak niuk mirak laion. Kirin kewetiwek menmen mirak iuwe, hirak kewisik hirak naanmamre mit miyapir nerer wit wit nau ti, hirak kinin menmen yapirwe mau ti. ³“Hi hir paan kiutip ke miyak wisenuk nipaa menmen makip wisenuk te hirak kaki. Au, hiram mekiwo hirak kepu werek. Mit miyapir yapirwe nir sak mau paan kirak hir nepirpir natip hirak iuwe te hir nisesik nemtau him mirak. ⁴Mit miyapir newenipi kiri nentar hirak kewet miyak wisenuk menmen mirak iuwe te kakinin menmen yapirwe mau ti. Hir newenipi miyak kektikerek nentar hir han kitet hirak iuwe. Hir natip nar ik: “Keimin hirak iuwe kire miyak enuk ik e? Keimin hirak iuwe te kakininek kaktikerek tatnepakit? Taauye!”

⁵“God kewis miyak enuk ik katip him enum hirak ketawin God. Hirak kewisik hirak kinin naanmamre menmen yapirwe mau ti me tito wikak metike hawi hitan keyiak. ⁶God kewisik te hirak kewep him kirak katip enum hirak ketawin God, wit ke God ketike hir yapirwe kerek nau wit kirak. ⁷“God kewisik hirak ketike mit miyapir kerek nises him me God hir nenepan te hirak kinini. Hirak keit menmen iuwe te hirak kinin naanmipre mit miyapir natip him ham him ham, yink kir ham ham hir ne weiwik yapirwe nerer wit wit. ⁸“Mit miyapir yapirwe nau ti nerer wit wit nanwenipi niuk me miyak enuk wisenuk. Te mit miyapir kerek nipaa God ap kiriak ti ketike nepni wen au, hirak kewis niuk mir mau tiwei mirak kehimiteni hir nanu nantikerek, hir ap newenipi niuk me miyak ik au. Tiwei ik hirak tiwei ke Mitik keweikin kire Sipsip nipaa mit nakip hirak kaa.

⁹Yi eiyimtau menmen mai! Neimin hir nemtau him im hir han ekitetim werek werek! ¹⁰“Mit kerek God kehimiteni mit han hir nanwisi nekre winak enuk, hir nanino nanikre winak enuk. Mit han kerek God kehimiteni mit han hir nanwaai hine me his naninip, maain hir nanwaai hine me his naninip nani keriyen. Mit miyapir kerek nises him me God hir naninakin tokim nanises God werek werek nanintar menmen enum im mamnen.”

¹¹Menmen im epei man, hi hir ti kewep, miyak wisenuk hak kiniu ti kan niu ein. Miyak ik kom mirak wik mau paan kirak, hiram mire kom me sipsip te hirak katip enum kar ke kirin katip. ¹²Miyak wisenuk kerek kises keyiak kinin kan, hirak keit menmen mirak iuwe kekrehir kirak kekepik kenip mit miyapir nau nerer wit wit newenipi niuk me miyak kerek nipaa menmen menep paan kirak ketnen te kaki, au hiram mekiwo hirak kepu werek. ¹³“Miyak kerek kiniu ti kan, hirak kiriak menmen

“ 13:3 Rev 17:8 v 13:5 Dan 7:8, 25, 11:36; Rev 11:2 w 13:7 Rev 11:7 x 13:8 Sam 69:28; Rev 3:5, 5:6, 17:8, 20:12, 15, 21:27 y 13:10 Jer 15:2, 43:11; Mt 26:52; Rev 14:12
z 13:13 Mt 24:24; 2Te 2:9-10

iuwe mit niriakem nipaa taau. Hirak kiriak menmen ham ham yapirwe, hirak kari si meke nepni man ti te hir mit miyapir nerp en nirek hirak kiriak menmen im. ¹⁴ Hirak kewises mit miyapir yapirwe nan nerer wit wit keriuwe menmen iuwe miyak wisenuk kewisik hirak kiriakem menep ninaan mirak. Hirak kewisorek ketpor kari han kir keriuwerek te hir nime nu ninaan mewim mar ke yink ke miyak kerek hine kenep paan kirak metnen kaki au hiram mekiwo, hirak kepu kepeit.

¹⁵ ^b Miyak kinin kan kewis miyak kerek kisesik hirak kikiak nu mire yink ke miyak kinin kan. Hirak kekrit kepu kari nap. Yink ik hirak kekrit kepu kari nap hirak katip kire mitik. Mit miyapir kerek ninapen newenipi niuk mirak, hirak kaknipi hir nani.

¹⁶ Hirak kiriak menmen ik ketike menmen hak enuk. Hirak kenip mit miyapir yapirwe niuk mir iuwe, niuk weinim, mit kerek netenen pewek yapirwe, mit han au hir nepu weinin, mit niriak menmen neit pewek mererim, mit han au niriak menmen me mit iuwe naanmipri niriakem weinin. Hirak kenipi hir enwisyaaan mak emu his yaaim o emu maat kir. ¹⁷ ^c Mit miyapir kerek hir ap newisyaaan mak me miyak enuk o namba mirak mau his yaaim or maat kir, hir ap te nansiuwe menmen mir nanit pewek mamrerim o nanino nanwir pewek nanit menmen taau. ¹⁸ Haiu han ekitet menmen im werek werek. Mit miyapir kerek nertei menmen werek werek, hir nanwenhis namba me miyak enuk. Namba im hiram niuk me mitik. Namba im mirak hiram mar 666.

Mit nar ke 144,000 nine henye

14 ¹ ^d Hi hir menmen im epei au, hi hir Mitik keweikin kire Sipsip hirak kerp wit Jerusalem, niuk mirak ham miniu (o neiyip) Saion. Hirak ketike 144,000 mit miyapir kerek niuk mirak metike niuk me Haai kirak God mau maat kir, hir nerp ein. ² ^e Hi epei hiri nerp ein, hi hemtau menmen meke nepni man. Hiram matip him iuwe mire hitik siurik me sirsir men ti o mire nepni mewenin. Menmen hi hemtewem hiram mire mit hir niram gita mir. ³ ^f Hir mit yapirwe nar ke 144,000 hir nerp menep yeno kerek Mitik Iuwe God kewik. Hir nerp ein nine henye hak yaaik menep menmen tekyaaait (4) hiram mepu hiram metike mit iuwe nar 24. Mit han nertei nine henye im au. Hir mit miyapir keriyen nipaa God ketorhis ne mit nau ti. ⁴ ^g Mit miyapir in hir yaain nire mite ap wiwaai wetike mitik wen au, hir nises God werek werek. Hir yaain nire mit ap nari miyapir his newenem niriran au, hir ap newenipi niuk me tipir enum

^a 13:14 Rev 19:20; Diu 13:1-4 ^b 13:15 Dan 3:4-6 ^c 13:17 Rev 14:9, 11, 16:2, 19-20, 20:4

^d 14:1 Rev 3:12, 7:3-4 ^e 14:2 Esi 1:24, 43:2; Rev 1:15, 19:6 ^f 14:3 Sam 149:1; Ais 42:10; Rev 5:9, 7:4 ^g 14:4 Ef 5:27

o miyak enuk au. God kerekek. ⁵Hir mit miyapir yaain. Hir ap natip him newisesik mei me wi hir nau ti au.

Mitikit ensel wikak tatip him mirakit

⁶Hi hir menmen im epei au, hi hir mitik ensel hak keniuwe keke niu kan. God epei keriuwetek kan ti kakwepyapir him yaaim mirak mamu mamit tipmain tipmain enum eik. Hirak kan kaktip him im mamno mit miyapir hir yink hak hak, hir natip him ham, him ham, hir ne weiwik yapirwe nau nerer wit wit. ⁷Hirak kinap katip kar ik: “Yi einain God eiyises him mirak eiwenipi niuk mirak eiyintar wi epei man te God kakinke mit miyapir nau ti. Yi eiwenipi niuk me Mitik Iuwe God kerek kewis ti ketike nepni, wan metike mani, hitik, heipun. Yi eiwenipi keiyak au ekit! ⁸Hi hirek epei kan ken, hi hir mitik ensel hak kisesik kinap katip kar ik: “Eiyimtewek! Wit iuwe niuk mirak Babilon epei kewaank. Mit miyapir nau wit Babilon hir epei nari han ke mit miyapir nau nerer wit wit hir nisesi niriak menmen enum newenipi niuk me tipir, neweikin sip newet God. Mit nau Babilon hir nire mite hire wetenen kap wain mekrerem, hire wari han ke mit te hir nanim te hir nanwaai nantikerep.”

⁹⁻¹⁰^k Ensel ik epei kan ken, hi hir ensel hak kikaru kekiuwe kan kinap katip kar ik: “Mit miyapir kerek hir newenipi niuk me miyak enuk o nu mire yink ke miyak wisenuk o hir neit mak mau his mir o maat kir, hir nanim tipar wain enum him sisi mekre kap me God. Wain im hiram mehimitan menmen enum God kakriak mit em kakintar hir nenipek han enuk wisenum. Mit narik God kakwisi nanikre si metnen metike nan salfa mikap si, hir yink kir kaknen (o mamiyewor) wisenuk te ensel yaain netike Mitik keweikin kire Sipsip hir nanirp naniri hir nanikre si. ¹¹Si tiwekre me si kerek miriak yink kir kaknen (o mamiyewor), hiram mamno niu tipmain tipmain enum eik. Mit miyapir kerek newenipi miyak enuk ketike yink kar ke yink ke miyak enuk o mit neit mak mirak mau his mir o maat kir, si im mamnip yink kir kaknen (o mamiyewor) te si im hiram ap mami witaan o wanewik au, mamu mamit te hir mit miyapir nanu werek werek au.”

¹²Menmen enum me miyak enuk mamnen te mit miyapir nises him me God o nises him me Jisas werek werek, hir naninakin tokim nanirp.

¹³Hirak katip epei au, hi hemtau him me mitik ensel keit wit ke God katip kar ik:

“Ti ewis menmen im mau tiwei: Mit miyapir kerek nises Mitik Iuwe God, hir nani in ere maain te hir han yaaik enu.” God Himin

^h 14:5 Sam 32:2; Sef 3:13 ⁱ 14:7 Rev 10:6 ^j 14:8 Ais 21:9; Rev 17:2, 18:2, 3; Jer 51:7, 8 ^k 14:9 Rev 13:12-17 ^l 14:10 Sam 75:8, 11:6; Ais 51:17, 22; Jer 25:15; Rev 15:7, 16:19, 19:20, 20:10, 21:8; Jen 19:24; Esi 38:22 ^m 14:11 Ais 34:10; Rev 13:12-17 ⁿ 14:12 Rev 13:10, 12:17 ^o 14:13 1Ko 15:58; Hi 4:10

Yaaik katip, “Him im hiram yaaim. Hir nani naninaaiwir menmen hir epei niriakem, hir nanu yain yain. Hir nanu yaain yaain nanintar menmen nipaa hir niriakem hiram mamnen mantikeri.”

Ensel neithis mit miyapir neriyei neri nan God

¹⁴Hirak katip epei au, hi hir napi kire hike kau nepni. Hi hir napi kire hike kau nepni, mitik kire Kraiss hirak kewik hirak kekun hat gol ke mit iuwe kau paan kirak. Hirak ketenen hine ke his tiknuk enuk. ¹⁵Hi hirek epei au, mitik ensel hak ketpaan keke winak iuwe ke God kan kenine mitik kerek kau napi ketpiwek him iuwe kar ik: “Ti ehit hine ke his kit ewaaiyek eremir menmen. Wi epei man menmen mau ti hiram epei maa te ti eremir.” ¹⁶Hirak katip epei au, mitik kau nepni hirak kiwaai hine ke his kirak. Hirak kiwaai hine kirak keremir menmen yapirwe mau ti.

¹⁷Hirak keremir menmen mau ti, mitik ensel hak keke winak iuwe ke God ketpaan kan, kire mitik kau nepni hirak ketenen hine ke his tiknuk enuk. ¹⁸Hirak kan witeik, ensel hak kerek naanmipre si, hirak kinaaiwir kinaan kerek mit newepwar menmen newet God em. Hirak kinaaiwir kinaan kenine ensel ketenen hine ke his tiknuk enuk ketpiwek him iuwe kar ik: “Ti ewaai hine kit eremirir waai wain nikim miram mau ti entar nikim hiram epei mewinki.” ¹⁹Hirak katip epei au, ensel ketenen hine ke his kirak kiwaaiyek keremirir nikim hiram mewinki. Hirak keremirir hiram mewinki, hirak ketiwem keyim ken kewirem mekre sar te hir mit ensel neit henkip (o henpik) nesesis tipar mamno. Sar im hiram tok piksa mehimitan God han enuk hirak kaknep mit nau ti. ²⁰Hir nesesis nikim im mekre sar meit menpin me wit. Hir nesesis, hemkre meke sar hei kirak men mire mani kiniu men yanimin mar ke 320 kilomita. Hiram men mau niu mar ke waai mau teruk me hos.

Ensel nar ke hispinak wik (7) netenen menmen enum mar hispinak wik (7).

15 ¹Hi hir menmen me hemkre epei au, hi hir menmen ham iuwe meit wit ke God. Hi hir mit ensel nar hispinak wik (7) naninep mit. Menmen im enum mamno ti mamnep mit te maain God han enuk epei au, menmen enum epei au mesi. ²Hi hir mit ensel epei au, hi hir menmen mire wan hirak kire glas si merhihe mekreerek. Hi hir wan metike mit miyapir kerek epei netike miyak enuk, nu mire yink mirak ketike namba me niuk mirak, hir netikeri hir nenepan, te mit miyapir ninini nentar hir ap newenipi niuk mir. Hir nerp menep wan hir netenen gita kerek God kewtirem. ³Hi hir netenen gita hir nine henye nipaa Moses

¶ 14:14 Dan 7:13 ¶ 14:15 Joe 3:13; Mt 13:39-40 ¶ 14:19 Ais 63:3; Kra 1:15; Rev 19:15
 * 15:1 Lev 26:21; Rev 15:6-7 † 15:2 Rev 4:6, 5:8 † 15:3 Eks 15:1; Rev 11:17, 16:7; Sam 92:5; 139:14, 145:17

mitik kerek kiriak menmen me God hirak kewisim metike him me Mitik keweikin kire Sipsip. Hir nine henye natip nar ik:

“God kiau luwe ti Mitik Eruk Manpenuk, menmen ti hiriakem hiram yaaim iuwe.

Ti kerek naanempre haiu mit metike menmen yapirwe nipaa ein ere in ere maain, ti hiriak menmen yaaim hiram werek werek.

⁴Neimin hir ap nanwenipi niuk mit a?

Au, hir yapirwe naninen nanwenipi niuk mit. Hir nanwenipi niuk mit ti kiau luwe, nantip ti Mitik Eruk Manpenuk nanintar ti kiutipen ti kerekek wetpen enuk heit.

Te mit miyapir nerer wit wit naninen nanwenipi niuk mit nanintar hir yapirwe nir menmen yaaim ti herekyorem.”

⁵Hir nine henye epei au, hi hir haau iuwe mit nehimitanem hiram me God keit nimin ke winak kirak kihi kerp yaain, hi hir haau God kewim. ⁶Hi hir haau God kewim, te hi hir ensel nar hispinak wik (7) kerek netenen menmen enum mar hispinak wik (7) hir neke winak ke God netpaan nen. Hir namir klos hiram mirius mire hike mir himin. Ni mire gol meweikin han pank kir. ⁷Hir epei nen witeik, te menmen miutip me menmen tekyaaait (4) kerek mepu yeno me God, hirak kewetir min mar hispinak wik (7). God kerek kaku tipmain tipmain enum eik, hirak wen han enuk te han enuk mirak meweikin his mire tipar miwaai mekre min im. ⁸Hiram mire tipar miwaai mekre min im, si tiwekre me menmen iuwe me God metike menmen mirak merhihe hiram miwapin winak ke God keit nimin. Hiram miwapin winak ke God, keiyak kiutip keit wit ke God ap te kakno nimin en ere menmen enum mar hispinak wik (7) eim kerek ensel nar hispinak wik (7) hir netenenim hiram epei au mesi.

**Mit ensel neit menmen enum mekre min
neiyim nen newirem mamno ti**

16 ¹Si tiwekre miwapin winak ke God, hi hemtau him me mitik hak kekrerek katip him iuwe kar ik: “Yi eiyit min kerek menmen enum me han enuk me God meweikin his mire tipar mekrerem, yi eiyim eino eiwenem emno ti.” ²Hirak katip epei au, hirak mitik ensel kiutip kinin keit min mirak keiyim ken kewir menmen enum mekrerem men ti. Hiram men ti menep mit miyapir kerek newenipi niuk me miyak enuk ketike teinik mit nesipaak mire yink kirak, hir newis mak mau yink kir. Hiram menep yink kir ketnen hirak kenen (o meiyewor).

^v 15:4 Jer 10:6-7; Sam 86:9 ^w 15:5 Eks 38:21 ^x 15:6 Rev 15:1 ^y 15:7 Rev 14:10

^z 15:8 1Kin 8:10-11; Ais 6:4; Esi 44:4 ^a 16:1 Ais 66:6; Rev 16:17; Sam 69:24; Jer 10:25; Esi 22:31; Sef 3:8 ^b 16:2 Eks 9:10; Diu 28:35; Rev 13:12-17

³Menmen im epei menep mit, hi hir ensel hak (namba 2) kisesik ken kewen menmen enum mekre min hiram men wan iuwe. Men wan iuwe meweikin mire herwe hemkrik te menmen yapirwe mau mekre wan maa.

⁴Menmen yapirwe mau mekre wan maa, hi hir mitik ensel hak (namba 3) hirak kan kewen menmen enum mekre min mirak men mani metike hitik, hiram meweikin mire hemkre. ⁵Hiram meweikin mire hemkre, hi hemtau mitik ensel kerek naanmipre mani metike hitik hirak katip kar ik: “God ti kerekek ti yaaik. Nipaa ere in ti hepu hepeit. Menmen enum ti hiriakem hewaank tipar hiram meteikin ti yaaik. ⁶Ti yaaik hentar nipaa hir mit nau ti nenep mit miyapir kerek nises him mit netike mit profet nit hemkre mir mewen. Te in ek ti heweikin tipar mire hemkre hir nanim ti enip enrerim me menmen nipaa hir niriakem.” ⁷Hirak katip epei au, hi hemtau him ke mitik hak kerp kinaan kerek ensel newepwar menmen newet God em, hirak katip kar ik: “Mitik Iuwe God ti enuk manpenuk. Menmen enum ti erekyorem enip enrerim me menmen enum nipaa hir niriakem, hiram yaaim.”

⁸Hirak katip epei au, hi hir mitik ensel hak (namba 4) hirak kewen menmen enum mekre min kirak men wepni. Men wepni te hiram si taak mit miyapir yink kir. ⁹Hirak si taak yink kir hir nene God netpiwek enum me menmen im manip nentar God hirak kari menmen im man menep mit. Hir ninapen neweikin sip newet menmen enum hir nisesim, hir ap newenepi niuk me God hirak Iuwe. Au, hir nenerek wen nises han kir enuk.

¹⁰Menmen im epei man hi hir mitik ensel hak (namba 5) kewen menmen enum meke min kirak men yeno kerek miyak enuk kewim, te menmen mire witaan toto miwapin ti merer wit wit kerek miyak enuk hirak naanmipre mit miyapir. Witaan toto miwapin ti merer wit wit te mit miyapir ninakin nin kir nentar yink kir kenen (o meiyewor). ¹¹Hir ninakin nin kir te hir han kitet menmen enum mau yink kir te hir nene God neriuwerem. Hir ap neweikin sip newet menmen enum au. Hir nises han kir.

¹²Menmen im epei au, hi hir mitik ensel hak (namba 6) kan kewen menmen enum mekre min kirak men mani iuwe Yufretis. Hiram men mani Yufretis, hirak kenke keweikin kire yayiwe te mit iuwe naanmipre mit miyapir nau ti kerek wepni kewep kn hir neke mani wi kirak naninen. ¹³Mani Yufretis kenke epei au, hi hir himin enum wikak hiram meweikin mire pato o minaap. Hiram metpaan meke him ke kirin, miyak enuk tetike miyak enuk keiyak niuk mirak profet enuk

° 16:3 Eks 7:17-21 ^d 16:4 Sam 78:44 ° 16:5 Rev 1:4; Sam 119:137 ^f 16:6 Sam 79:3; Ais 49:26 ^g 16:7 Rev 15:3, 19:2; Sam 19:9 ^h 16:9 Rev 9:20-21, 16:21 ⁱ 16:10 Eks 10:22; Ais 8:22 ^j 16:11 Rev 9:20-21, 16:12; Ais 11:15; Jer 50:38

kewisesik. ¹⁴ ^kHimin im hiram me herwe kerek hiram miriak menmen yaaim mirakel nipaa mit nirem au. Himin wikak im men mit iuwe ninin naanmpire mit nerer wit wit nau ti, hiram mari han kir te hir nererik nantike God naninepan me wi hirak God kerek hirak Iuwe Manpenuk kehimitan mit hir nantikerek naninepan.

¹⁵ ^l“Hi Jisas hi etpi! Hi anen waswas me wi yi yepitariyem yar ke mitik enuk kekintip menmen. Mit kerek hir naanmamre werek werek menmen maain mamnen, hir han yaaik nanu. Hir ap yink enuk me menmen im mamnen mamre mit kerek klos au hir ne puk weinik nen witeik.”

¹⁶ ^mHimin enum wikak meithis mit iuwe ninin naanmpire mit miyapir nau ti, hir nan nererik neit wit niuk mirak me him Hibru hiram Amagedon.

¹⁷ ⁿHir nererik epei au, hi hir mitik ensel hak (namba 7) kewen menmen enum mekre min kirak men mire nime. Epei au, mitik keke winiak iuwe ke God menep yeno me mitik iuwe, hirak ketip him iuwe karik: “Menmen God kiriakem kenep mit keriuwerem hiram epei au meit.”

¹⁸ ^oHirak katip epei au, hi hir nepni mewenin mari winen men ein men ein, hiram mewinin wisenum ti kitanik wisenum. Nipaa God kiriak ti ere in ap ti kitanik karik au. Ti kitanik hiram minin ti me nipaa ein. ¹⁹ ^pTi kitanik wisenum te wit iuwe Babilon kewep pinak pinak ere wikak, wit iuwe me wit yapirwe mewaank. God ap han kaa menmen enum mit ne Babilon niriakem te hirak han enuk kanip keriuwe menmen im, hirak kewaanki kire mit hir naam tipar si enum wisenum minin hir ninap.

²⁰ ^qTi kitanik wisenum te miniu (o neiyip) iuwe metike ti wit wan kimaak keketik, hiram yapirwe mewep menke. Miniu (o neiyip) mewep menke miwaai, wit wan kimaak keketik mewep minatin men misawin mekre wan meit nimin. ²¹ ^rMenmen im wen mepnen, hi hir ais iuwe mire nan hiram nimenum mire 50 kilogram hiram meke nepni man menep mit miyapir nerer wit wit nau ti, hiram mewaanki. Mit miyapir nene God nentar ais enum im kerek manip hiram menmen enum enum.

Him me mite enu wari mit his wewenem

17 ¹ ^sMenmen im man menep mit epei au, ensel kiutip ke mitikit ensel tar ke hispinak wik (7) kerek tetenen min mar hispinak wik (7), hirak kan ketpo karik: “Ti etikewa euno hi ateiknut menmen enum God kakriak mite enu wari mit his weweninem. Hire wehimitan wit iuwe kipwaai menep mani yapirwe. ² ^tMit iuwe kerek ninin naanmpire mit miyapir nerer wit wit nau ti, hir netike mite ip hir neiyewewan. Hire

^k 16:14 1Te 5:2; Rev 19:6, 15, 19 ^l 16:15 Rev 3:3, 18 ^m 16:16 Het 5:19; Sek 12:11
ⁿ 16:17 Rev 16:1 ^o 16:18 Rev 8:5 ^p 16:19 Rev 14:8, 10 ^q 16:20 Rev 6:14 ^r 16:21 Eks 9:24; Rev 11:19, 16:9, 11 ^s 17:1 Jer 51:12-13; Rev 17:15 ^t 17:2 Ais 23:17; Rev 14:8

wenip mit miyapir yapirwe nau ti hir nire mit epei naam tipar si enum hir netaritari. Hire wenipi narik neriuwe menmen hire wari han kir keriuwerem (te hir newenipi niuk me tipir enum).”

³Hirak ketpo epei au, hirak ketauhis himin kai, hawir wen wiun wit weinik mit auri en. Hawir wiun en, hi hir mite piutip wau miyak wisenuk kire yiwir. Niuk yapirwe mau yink kirak te hiram niuk enum matip enum metawin God. Paan mar hispinak wik (7) mewik, kom mar hiswiyen (10) mau menterim. ⁴Mite hire weriuwet klos mire wenip, klos mire ninim, hire weseweriuwe menmen yaaim me gol o pewek o wipe yehes. Hire wetenen kap me gol mekre his mire wauri han ke mit han weriuwerem. Menmen enum menip God han enuk metike menmen enum hire wiriakem me wari mit his weweninem hiram miwaai mekre kap mire hiram meweikin mire tipar. ⁵Hi hir niuk mau maat kire hiram tok piksa hiram matip mar im: “Mite ip e hire wehimitan wit Babilon luwe. Hire miye pe miyapir yapirwe nari mit his neweninem. Hire miye pe menmen enum yapirwe mit miyapir nerer wit wit nau ti hir niriakem.” ⁶Hi hirep hire wetaritari wire mitik kaam tipar si enum wentar hire waam hemkre me mit miyapir kerek nises him me God ketike him me Jisas kerek newepyapir hir nisesik te mit nanip hir naa. Hi hirep te hi han kai kekrit hi han kitet har ik: “Hire peimin?”

⁷Hi wen han kitet mite ip, te mitik ensel ketpo kar ik: “Ti henmak te ti han kitet mite ip e yapirwe? Hi etput ewepyapir mite ip wetike miyak kerek hirak paan hispinak wik (7) kom mar hiswiyen (10), mite ip wau sip kirak, hir neimin. ⁸Miyak enuk ti epei hirek, hirak nipaa kepu ti te in ek au, hirak kinaiwirek. Hiram menep te hirak kakitpaan kakike hei enuk kesikekre, hirak kakno kakiwaank kaki kakikrerek. Mit miyapir nau ti kerek God ap kewis niuk mir mau tiwei mirak nipaa wi hirak ap kiriak ti metike nepni wen au, mit miyapir in hir nanirek hir han kekrit. Hir han kekrit nentar miyak ik nipaa kepu ti te in ek au. Maain hirak pike kaku te hir nanirek nanipirpir.

⁹Mit kerek nertei menmen werek werek hir han ekitet menmen im. Paan mirak mar hispinak wik (7) hiram wit iuwe kiutip mit nimaak kau miniu (o neiyip) mar hispinak wik (7). Mite ip wau sip kirak hire wau weit wit iuwe eik. ¹⁰Paan hispinak wik (7) im hiram mehimitan wit iuwe kiutip ketike mit iuwe hispinak wik (7) naanmipre mit miyapir nau ti. Mit iuwe hispinak (7) hir epei nen naa. Kiutip hirak wen kepu, keiyak ap kan naanmamre mit wen au. Maain hirak kaknen hirak kaku kike keremem. ¹¹Miyak enuk nipaa kepu ti te in ek au, hirak mitik iuwe hak ke hir nar hispinak wikak (8) hirak ketike mit han en nar ke hispinak

“ 17:3 Rev 13:1 17:4 Esi 28:13, 16; Rev 18:16; Jer 51:7 17:5 Rev 14:8 17:6 Rev 18:24, 19:2 17:7 Rev 13:1 17:8 Rev 11:7, 13:8; Dan 12:1

wik (7) hir ninin naanmamre mit miyapir nau ti. Maain hirak kakno kakiwaank kaki.

^{12a}“Kom mar hiswiyen (10) ti epei hirem, hiram mehimitan mit iuwe nar hiswiyen (10). Hir ap nire mit iuwe wen au, te maain hir nanit menmen iuwe nantike miyak enuk te hir naninin naanmamre mit miyapir nanu ti me wi mei kike. ¹³Mit nar hiswiyen (10) hir nau han kiutip te hir nanwet miyak enuk menmen mir iuwe te hirak kakikrehir kir naanmamre menmen mir. ^{14b}Hir mit nar hiswiyen (10) nantike Mitik keweikin kire Sipsip hir naninepan te hirak kaktike mit kerek hirak kari han kir keninor hir nises him mirak, hir naninin mit enun in. Hir naninini nanintar hirak kerek Mitik Iuwe kerek God kewetiwek menmen mirak iuwe kinin mit iuwe yapirwe nerer wit wit, hirak naanmamre mit iuwe kerek naanmipre mit miyapir han.”

^{15c}Mitik ensel ik hirak wen ketpo kar ik: “Mani tipar kerek ti hir mite enu wari mit his weweninem hire wau menep in, hiram mehimitan mit miyapir natip him ham him ham, yink kir hak hak, hir ne weiwik yapirwe nau nerer wit wit. ^{16d}Kom mar hiswiyen(10) mehimitan mit nipaa ti hiri netike miyak enuk hir han enuk ninapen mite enu ip kerek wari mit his wewenorem. Hir naninen nanri menmen mire yapirwe te hir nanwir mite wawi puk weinik wawu wawit. Epei au, hir nanip nanik yink kire. Hir nanik yink te hir nanman si menmen mei kike wen mepu. ¹⁷Hir nanriak menmen enum im nanintar God kakri han kir te hir ap nertei hir nanises han kirak. Hir nepitari hir nanises han kirak hir nanu han kiutip hir nanwis miyak enuk naanmamror ere him nipaa God ketpim hiram mamnen. ¹⁸Mite kerek ti epei hirep hire wehimitan wit iuwe kerek naanempre mit iuwe nau ti nerer wit wit.”

God kewaank wit iuwe Babilon

18 ¹Maain hi hir mitik ensel hak keke wit ke God kan. God epei ketpiwek menmen mirak iuwe te menmen mewik merhihe mir wisenum men ti. ^{2e}Hirak kan kinap katip him iuwe kar ik:

“Mite kerek wehimitan wit iuwe Babilon God kewankep.

Hire epei waa. In ek herwe, himin enum, tipir metike hore ham ham enum yapirwe menmen enum hiram man mewik.

^{3f}Menmen im epei man mentar mit miyapir nerer wit wit epei newenipi niuk me tipir.

Hiram mar ke hir netikerep niriran, hir naam tipar si enum mire.

Hiram mar ke hir mit iuwe nerer wit wit niwaai netikerep.

Mit nerer wit wit kerek nesiuwe menmen neit pewek yapirwe nentar hire hanhan weit menmen yapirwe te hire wau werek werek wises han kire enuk.”

^a 17:12 Dan 7:24 ^b 17:14 1Ti 6:15 ^c 17:15 Ais 8:7; Jer 47:2 ^d 17:16 Rev 18:8

^e 18:2 Rev 14:8; Ais 13:21, 34:11; Jer 50:39 ^f 18:3 Rev 14:8

⁴Hirak katip epei au, hi hemtau him ke mitik hak keit wit ke God hirak katip kar ik:

“Yi mit miyapir nai. Yi eino eikeipin mite enu eip e.

Yi ap eikiterep eriak menmen enum au emit! Hi hinapan ap eiyuwep eitikerep au.

⁵^hHi ehip entar menmen enum yapirwe hire wiriakem.

Menmen enum mire hiram yapirwe mire tiu mite wenipaam, te God epei kirem ap han kaa rem.”

⁶ⁱHi pike hemtau hirak katip mit han kar ik: “Yi pike eirekyiwe menmen enum mamir ke hire nipaa wiriak mit miyapir han em.

Te menmen miutip hire wiriakem yi eirekyiwerem wik.

Hire nipaa weweti tipar si enum miutip yi yaam, te in ek yi eiwetiwe tipar si enum wik hire wawim.

⁷^jNipaa hire niuk mire hiram iuwe hire wises han kire wau werek werek.

Te in ek yi eirekyiwe enum ere yink kire kakwo kakir ke nipaa hire wises han kire wau werek werek.

Yi eirekyiwerem mamir im eiyintar hire nipaa watip hirehes war ik:

‘Hi hau in hi mite iuwe hinin mit miyapir yapirwe. Hi ap hire mite kerek mitik kire kaa kinaiwirep au. Hi ap te han enuk ekit eriuwe menmen taau.’

⁸^kHire watip enum warik te menmen enum im mamnip ep me wi miutip keremem.

Hire waunap, hire waukit, hire ninpi mami, mit han nanisi yink kire kekre si.

Menmen im enum mamnep wit Babilon mentar mitik iuwe God kerek kakinke mit miyapir newik, hirak manpenuk wisenuk kakises han kirak kakriakem.”

⁹^lMaain mit iuwe kerek ninin naanmipre mit miyapir nerer wit wit hir nanir si tiwekre me yink kire si taak. Nipaa hir netikerep hir nises han kir hir nau werek werek, te in ek hir nanirp te hir han enuk nankitep.

¹⁰^mHir nanirp yanimin nanintar hir ninaain si menmen enum maaup. Hir nanirp nankit nantip nanir ik: “Haai o! Menmen im menep wit Babilon hiram enum. Ti wit iuwe niuk mit wisenum te waswas menmen enum yi mit miyapir en yi yiriakem God kerawaank kenterim.”

¹¹ⁿMit nerer wit wit kerek nesiuwe menmen kago mir nanit pewek mererim neit wit Babilon, hir nanirek nepei kewaank, hir nankitek nanintar hir mit newik ap nanit menmen mir au. Hir epei newaank.

^s 18:4 Ais 48:20; Jer 50:8, 51:6, 45; 2Ko 6:17 ^h 18:5 Jen 18:20-21; Jer 51:9 ⁱ 18:6 Sam 137:8; Jer 50:15, 29; 2Te 1:6 ^j 18:7 Ais 47:7-9 ^k 18:8 Rev 17:16; Jer 50:34 ^l 18:9 Rev 17:2; Esi 27:30-35 ^m 18:10 Esi 26:17; Dan 4:30 ⁿ 18:11 Esi 27:36

¹²Menmen kago mir hiram im: Gol, silva, nan mirius yaaim, bis me pewek iuwe, laplap yaaim mire hike, laplap mei mire ninim metike yinamin metnenam, laplap slika. Nu ham ham hiram miutip miutip meit yaank minin yaaim metike menmen yapirwe mit nesipaam me miyak elefan nikin miram o nu yaaim me pewek nan iuwe, o ain, o bras, o nan yaaik kewir mutmut. ¹³Hir neit nu meruk yink miram metike nekip, siyak me niu, semi, yeirep, kono, miyak wipink, meruk o mir kerek mit nesiyeem hiram minin yaaim, tipar wain metike gris, plaua metike rais, bulmakau, sipsip, hos metike karis, hiram metike mit miyapir hir niriak menmen me mit ap neit pewek mererim au. ¹⁴Hir mit nerp en natip nar ik: “Nipaa ti mite nihan enu wirau hanhan menmen yapirwe, te in ek ti enu he mite. Menmen yaaim mit newir pewek yapirwe nantiwem metike menmen yaaim ti heses heriuwerem, hiram epei men. Hiram ap pike mamnen te ti etiwem taau.”

¹⁵^PMit kerek nesiuwe menmen mir neit pewek mererim, hir nanirp yanimin naninapen menmen mamnip mamir ke hiram menep wit Babilon te hir nankitep. ¹⁶^HHir nankitep nantip nanir ik: “Ke miye o! Nipaa wit ik Babilon hirak yaaik kire mite kerek wamir laplap hike metike laplap ham mire ninim metike yinamin metnenam. Ti heses heriuwe gol, nan yaaim metike bis me pewek iuwe. ¹⁷^TTe in ek wasenum menmen yaaim yapirwe epei mewaank.”

Mit kerek ninin naanmipre sip, hir nantike mit boskru kerek niriak menmen me sip, hir nantike mit nau sip o neit nan me menmen hir netiwem mekre wan newet mit em, hir yapirwe nanirp yanimin nanir wit Babilon. ¹⁸^SHir nanirp yanimin nanir wit Babilon si taak hir nantip him iuwe nanir ik: “Ap wit kei yaaik kar ke ik e nipaa ere in taau.” ¹⁹^HHir nanwen toni nankitep nantip nanir ik: “Haiu mamkit han tewenin wit iuwe ik e mamintar mit nerer wit wit kerek neriuwet sip mir man in, hir neit pewek yapirwe meriuwe menmen hir nesiuwerem man in. Te in ek wasenum wit yaaik ik kewaank.”

²⁰[“]Yi mit kerek yi yau wit ke God, yi han yaaik eiyu. Yi mit kerek God kehimiteni yi yiriak menmen mirak o yi profet yi yewepyapir him mirak o yi mit miyapir kerek yi yises him me God, yi han yaaik eiyu! God epei kiriak wit Babilon enum kakrer menmen enum nipaa hir nerekiyem.”

²¹[“]Hir natip epei au, hi hir mitik ensel wisenuk ken kekin nan wisenuk kewis pakin kire heipun. Hirak kekinik keiyik ken kewirek kekere wan kesikekre hirak katip kar ik: “Mar ke hi hewir nan ik ken kekere wan kesikre, te God kakawaank wit Babilon. Maain wit eik hirak pike kakikrit kaku taauye. ²²[“]Mit kerek niram gita nine henyte o netenwo taur o niram

° 18:12 Esi 27:12-13, 22 P 18:15 Esi 27:31, 36 q 18:16 Rev 17:4 r 18:17 Esi 27:27-29

s 18:18 Esi 27:32 t 18:20 Ais 44:23; Diu 32:43; Jer 51:48 u 18:21 Jer 51:63-64; Esi 26:21

v 18:22 Ais 24:8; Esi 26:13

heurek, hir maain ap naninen nanriakem au. Mit kerek niriak menmen ham ham ap pike naninen nanu wit Babilon au. Mit ap pike nemtau nan iuwe kakwen rais haas miram meit wit Babilon taau. ²³“Mit ap pike naniksiu si keyiak nanit wit Babilon taau. Mit ap pike nanimtau him me mitik o mite hir nanitan. Mit kerek nan nesiuwe menmen kago mir, hir mit iuwe ne ti nerer wit wit. Yi mit ne wit Babilon, yi epei yari han ke mit miyapir nerer wit wit yeriuwe menmen enum me memipin yi yiriakem.”

²⁴“God kewaank wit Babilon kerek kehimitan wit iuwe yapirwe kentar hir nenep profet ne God netike mit miyapir nises him mirak hemkre mir mewen miwaai ti. Hemkre mir metike hemkre me mit miyapir yapirwe ne ti hir mit nipaa nanip naa.

Mit miyapir neit wit ke God han yaaik nentar God kewaank wit Babilon

19 ¹Maain hi hemtau menmen mire mit miyapir yapirwe neit wit ke God hir natip him iuwe nar ik: “Haiu emwenipi niuk me God kiau. Hirak kerekek epei ketaihis. Hirak niuk mirak iuwe hirak manpenuk wisenuk. ²God skelim mit nises menmen yaaim. Hirak epei skelim mite enu kerek wari mit his weweninem. Hire wewaank mit miyapir ne ti yapirwe weriuwe menmen enum hire wiriakem. God kaaup kerer menmen enum nipaa hire wiriak mit miyapir kerek nises him mirak. Hire wanip naa.” ³Hir pike natip neteipim nar ik: “Haiu emwenipi niuk me God. Si tiwekre me wit Babilon hiram mamno niu tipmain tipmain enum eik.” ⁴Hir natip epei au, mit iuwe nar 24 kerek nau yeno me mit iuwe, hir netike menmen tekyaaait (4) kerek mepu hir newen ninip nitehir nau ti menep ninaan me God kerek kau yeno kirak. Hir natip nar ik: “Hiram him yaaim haiu emwenipi niuk mirak.” ⁵Hir natip epei au, hi hemtau him ke mitik hak kerp kirapit yeno me God hirak katip him iuwe kar ik: “Yi mit miyapir niuk iuwe o niuk weinim kerek yises him me God yi hanhanek. Yi eiwenipi niuk mirak.”

Mitik keweikin kire Sipsip keit mite, te hir yapirwe nererik naam menmen

⁶Hirak katip epei au, hi hemtau mit miyapir yapirwe hir nererik natip him iuwe nar ke mani sir menep o nepni mewenin. Hir natip him iuwe nar ik: “Haiu emwenipi niuk me God. Hirak kerekek Manpenuk Wisenuk hirak kinin naanmipre menmen yapirwe. ⁷Haiu han yaaik emu emwenipi niuk mirak mamintar Mitik keweikin kire Sipsip kakit mite pirak hir nanitan. Hire epei wemani menmen mire. ⁸Hir mit ensel

^w 18:23 Jer 7:34, 16:9, 25:10; Ais 47:9 ^x 18:24 Jer 51:49; Mt 23:35; Rev 17:6 ^y 19:2 Rev 6:10, 16:7 ^z 19:3 Rev 14:11 ^a 19:4 Rev 4:2, 10 ^b 19:5 Sam 22:23, 134:1, 135:1; Rev 11:18 ^c 19:6 Rev 11:15, 14:2, 15:3 ^d 19:7 Rev 21:2 ^e 19:8 Ais 61:10

newetiwe laplap yaaim mire hike hapik mewim au te hire waumir.” (Laplap yaaim mire hike hiram menmen yaaim kerek mit miyapir nises him me God hir niriakem.)

⁹ Hir natip epei au, mitik ensel kerek kerp ketikewa hirak ketpo kar ik: “Ti ewis menmen im. Mit miyapir kerek God keninor naninen nanim menmen me Mitik keweikin kire Sipsip kakit mite pirak, hir han yaaik nanu.” Hirak wen ketpo, “Him im hiram him me God hirekes.” ¹⁰ Hi hemtau menmen hirak ketpo, te hi ewen ninip hitehir ewenipi niuk mirak. Hirak kewena ketpo kar ik: “Ti ap ewenipi niuk mai au emit! God kerekek. Hi hiriak menmen me God har ke ti etike nit yinan kerek yises him me Jisas yewepyapir him mirak yatip mit em. Menmen Jisas kewepyapirem, hiram menmen mikaap mit profet natip newepyapir him me God.”

Him me mitik kau hos kire hike

¹¹ Hirak ensel ketpo menmen epei au, hi hir weipir ke wit ke God kenke, hos hike kerp en. Mitik kau sip kirak hir nenewek niuk mirak “Mitik kerek naanmimpre menmen mirak werek werek.” Hirak ketike mit hir naninepan, hirak ¹² skelim mit, hirak kises menmen yaaim kiriakem keremem. Nanamir kirak hirak kir kire si keteikin mit hirak kertei menmen mekre han kir. Hat yapirwe me mit iuwe hiram mau paan kirak. Niuk mirak ham mau maat kirak te mit neiyan ap nerteiyem au. Hirak kirak kerekek. ¹³ Hirak kamir laplap nokim kerek nipaa hir newermaam mekre hemkre. Hir ne wit ke God nenewek niuk mirak “Him me God.” ¹⁴ Mit yapirwe ne ami ne wit ke God hir nisesik nau hos mire hike yapirwe namir laplap yaaim mire hike hapik mewim au. ¹⁵ Hi hir hine ke his nokik tiknuk enuk koke him mirak kan. Hirak kaknep mit miyapir nerer wit wit kakriuwere. Epei au, hirak kakinin naanmamror wisenum te mit han ap nanikrehir kirak taau. Hirak taau. Hirak naanmamror kakir ke mitik ketenen paap keyik naanmimpre bulmakau. Hirak kakinin mit yapirwe kakiwaank mit kerek ap nises God kakir ke mitik keit henpik (o henkip) keyim kekpep yiwir kekre sar kehimitan God hirak han enuk keriuweri. ¹⁶ Him ham mau laplap mirak, mau hit naap kirak matip him miutip marik: “Mitik ik hirak kinin naanmimpre mit iuwe kerek naanmimpre mit miyapir yapirwe nau ti.”

^f 19:9 Mt 22:2-3 ^g 19:10 Ap 10:25-26; Rev 22:8-9 ^h 19:11 Rev 1:5, 6:2; Sam 96:13; Ais 11:4 ⁱ 19:12 Rev 1:14, 2:17 ^j 19:13 Ais 63:1-3; Jo 1:1, 14 ^k 19:15 Rev 1:16, 4:8, 12:5, 14:19-20, 21:22 ^l 19:16 Rev 17:14

Hirak Mitik Iuwe kinin mit iuwe yapirwe.

17^mHi hirek epei au, hi hir mitik ensel hak kerp nimin ke wepni kenine hore yapirwe kerek meniuwe mau niu, keninewem keriuwe him iuwe hirak katip kar ik: “Yi hore yi yainen eikiyan eyit niutip yi eyim menmen God kakrimaniyem. 18Yi einen eyim naan me mit yapirwe. Mit iuwe ninin naanmipre ami, mit iuwe ne ami kerek nises han kir, hir netike mit weinin nekepi nenepan, mit iuwe, mit weinin, mit nepu werek, mit han niriak menmen me mit iuwe naanmipri. Hir naan kir ketike naan me hos metike mit newim, menmen yapirwe.”

19ⁿ °Hirak katip epei au, hi hir mitik keweikin kire miyak enuk ketike profet enuk kewenin him menmen kerek kiriak menmen yapirwe nipaa mit nirem au kikaap miyak wisenuk keriuwerem. Hirak kikaap miyak enuk keriuwerem kari mit miyapir han kir te hir neit mak mirak mau yink kir, hir newenipi nu hir nimaak nar ke miyak enuk. 20^pHirakit wen tepu te hir netiwekithis newiret ten tekre hei iuwe mire wan si metnen meriuwe nan sulfa mekrerek. 21^qTe mit han kerek netikeri nenepan, Mitik Iuwe kerek kau hos, hine keke him kirak kan kanip kenepi. Hirak kan kanip kenepi, hore man maak yink kir ere tu iuwe.

Seten kau kekre hei 1,000 tito

20 1^rHi hir hore maak yink kir epei au, hi hir mitik ensel hak kekiuwe wit ke God kan. Hirak kekiuwe wit ke God kan ketenen ki metike sen ain wisenum. Ki hiram me mikaisiu weipir ke hei enuk wisenuk kesikekre. 2-3^s °Hirak kan keithis kirin kerek niuk mirak ham mar im: “Manpen (o yenmik) ke nipaa, hirak Seten, hirak mitik enuk kerp menep ninaan me God kesiuwai him.” Hirak mitik ensel ketiwekhis kininek kesenekik keriuwe sen ain kewirek ken kekre hei. Kewirek ken kekre hei kesikekre, hirak keiyepet weipir kehiruwek hit tokim me tito 1,000. Hirak kehiruwek hit tokim te Seten ap kakno ein ein kakri mit miyapir han kir kakwisisorek ere 1,000 tito hiram epei au. 1,000 tito hiram epei au, maain hirak kaknaipisek kakno ein ein me wi kike. 4^uEpei au, hi hir yeno me mit iuwe. Mit han newim. God kewisi hir skelim mit. Hi hiri netike himin ke mit miyapir kerek mit nerekir teruk kir kewen keket kentar hir ap newenipi niuk me miyak enuk o menmen hir nesipaam mau his o maat kir au. God kikian hir nekrit nau, hir nantike Krais hir naninin naanmampre mit miyapir me 1,000 tito. 5Mit han ap nises God nipaa epei naa, hir ap pike nanikrit in au. Maain 1,000 tito

^m 19:17 Esi 39:17-20 ⁿ 19:19 Esi 27:30-34 ^o 19:19 Sam 2:2 ^p 19:20 Rev 13:12-17, 20:10, 15; Ais 30:33 ^q 19:21 Rev 19:17-18 ^r 20:1 Rev 9:1 ^s 20:2 Rev 12:9 ^t 20:3 Ju 6
^u 20:4 Dan 7:9, 22, 27; 1Ko 6:2; Rev 13:17

hiram epei mamnen, hir pike nanikrit. Im em hiram namba wan taim God kikian mit miyapir nipaa naa te hir pike nekrit nepu. ⁶ Mit miyapir kerek God kinin kikian te hir nekrit nau, hir mit yaain, hir han yaaik nanu. Hir han yaaik nanu nanintar hir ap pike nani nanteipim nanino nanikre si au. Hir nanre mit pris kerek newepwar menmen nanwet God kaktike Kraiss em, hir nantike Kraiss naninin naanmampre menmen me 1,000 tito.

God kewaank Seten hirak kewirek kekere si enum

⁷Maain 1,000 tito hiram epei au, mitik ensel hirak kikaisiu weipir ke hei kesikekre kesiupan sen ain kaknaaiwir Seten kakno. ⁸ Hirak kakno kakwenin him mit miyapir yapirwe ne ti nerer wit wit, naninen wit iuwe Gok ketike Megok. Hirak kakweninor him te hir naninen nanrerik nantike mit han naninepan. Mit ne ami nirak hir nanire tenhaan ke wan hir yapirwe. ⁹ Hir nanike ti nanino yanimin nanweikin wit Jerusalem kerek mit miyapir ne God nanwik, wit kerek God hanhanek. Hir nanweiknor naninip te si maminke mamke wit ke God mamnen si tatin mit ne ami in. ¹⁰ Si tatin mit ne ami in, te God kakithis Seten kakwirek kakno hei o wan si metnen mekrerek meriuwe nan salfa. Hirak kakno hei o wan si metnen mekrerek kerek miyak enuk ketike profet enuk kewisesik tewiyen. Hirakit tatu tatit en yink kirakit kaknen (o kakises) tipmain tipmain enum eik.

God skelim mit miyapir yapirwe

¹¹Menmen im epei man, hi hir yeno me mitik iuwe kire hike, mitik iuwe kewik. Ti ketike nepni mirir mekeipin ninaan mirak ap minmatin wit keyiak te hiram misawin mau meit en au. (Te hiram meweikin mire napi). ¹² Hiram meweikin mire napi epei au, hi hir mit miyapir niuk mir iuwe, mit miyapir au weinin kerek nipaa naa. Hir nan nerp menep ninaan ke mitik kau yeno mirak, mit ensel nan nenke tiwei ham miwaai en. Epei au, hir neit tiwei kiutip hak, kerek niuk me mit kerek nises him me God nanu nantikerek mewik. God skelim mit in nipaa naa keriuwe menmen hirak kirem mekre tiwei im me menmen hir niriakem. ¹³ God kikian mit miyapir kerek naa nekre wan netike mit miyapir kerek epei naa nerer wit wit hir nerp menep ninaan mirak, hirak skelim mit miyapir me menmen hir niriakem nau ti. ¹⁴ Epei au, God keit menmen menip mit nani metike wit kerek himin ke mit naa niwaai en, hirak kewirem men mekre hei o wan si metnen mekrerem hiram nepei au mau meit. Hei si

^v 20:6 Rev 1:6 ^w 20:8 Esi 38:2, 9, 15-16 ^x 20:9 2Kin 1:10; Esi 39:6 ^y 20:10 Jen 19:24; Sam 11:6; Rev 19:20; 21:8 ^z 20:12 Dan 7:9-10; Mt 25:31-46; Rev 13:8; Ap 17:31; 2Ko 5:10
^a 20:13 Ro 2:6; 1Pi 1:17; Rev 2:23, 22:12 ^b 20:14 1Ko 15:26, 55

metnen mekrerem hiram enum mar ke mit hir pike nani. ¹⁵ ^cMit miyapir kerek God ap kir niuk mir mekre tiwei ik kerek ketpiwek niuk me mit miyapir hir nanu nantikerek, hirak kewiri nekre hei wan si metnen mekrerek.

**Jon kir ti ketike nepni meiyam man mekrehir
me ti ketike nepni nipaa mepu**

21 ¹ ^dGod kewiri nekre hei si metnen mekrerek epei au, hi hir ti keiyak ketike nepni meiyam mepu mekrehir ke ti keiyak ketike nepni meiyam nipaa mepu. Hiram metike wan epei au mesi. ² ^eEpei au, hi hir wit kerek God kehimitanek hirak wit kirak. Hirak wit Jerusalem keiyak kekrehir ke wit Jerusalem ke nipaa. Hirak keit wit ke God kinaiwirek kekiuwe kan. God kemaniyek yaaik kire mite wesewetike mitik nanitan. ³ ^fHi epei hirek, hi hemtau him ke mitik keit yeno me mitik iuwe hirak katip kar ik: “Eiyimtwem! God winak kirak kau nimin ke mit miyapir te hirak kaku kaktikeri. Hir nanu nanre mit nirak, hirak kaku kaktikeri kakre God kir. ⁴ ^gGod kaknip mit miyapir en han yaaik nanu. Hir ap pike nani o han enuk o nankit o yink kir kaknen au. Menmen im me nipaa ein hiram epei au.”

⁵ ^hMitik kerek kau yeno me mitik iuwe ketpo kar ik: “Ti emtewek. Hi anip menmen yaaim mamikrehir me menmen nipaa.” Hirak wen ketpo, “Ti ewis menmen im hi nepei hetputem emu tiwei entar menmen hi hetpiyi mit em hiram yaaim.” ⁶ ⁱHirak katip, “Menmen im hiram nepei au. Hi mitik kerek nipaa menmen ap mepu au, hi hepu, maain hi apau. Hi hiriak menmen yapirwe te menmen yapirwe mit miyapir kerek hanhan nanim tipar hi awetirem weinim tipar mai mamkepi hir nanu nanit tipmain tipmain enum eik. ⁷ ^jYi mit kerek yi yises him mai werek ere yi yayi, yi wen yiriak menmen mai yaaim yinin menmen enum mamri han ki enuk, yi mit in hi aweti menmen im yapirwe hi etpiyem. Hi are God ki, yi eire nikerek nai.

⁸ ^kTe mit kerek hir nipaa nisisa hi God, in ek au ninapen nentar mit nanip nentar hir nisisa, hir netike mit neweikin sip newet God, mit kerek niriak menmen enum enum, mit kerek nenep mit han hir nani, mit kerek nari miyapir his neweninem, mit kerek niriak nasi, mit kerek newepwar menmen newet tipir em, hir nantike mit enun newisesik, hir yapirwe nanino hei iuwe mire wan si metnen meriuwe nan salfa mekrerek. Menmen im hiram enum mire mit hir pike nani nanikrerem.”

^c 20:15 Mt 25:41; Rev 13:8, 19:20 ^d 21:1 2Pi 3:13 ^e 21:2 Ais 52:1, 61:10; Hi 11:16, 12:22; Rev 3:12 ^f 21:3 2Kro 6:18; Sek 2:10; 2Ko 6:16 ^g 21:4 Rev 7:17; Ais 35:10, 65:19 ^h 21:5 Rev 4:2, 10; 2Ko 5:17 ⁱ 21:6 Rev 1:8, 17, 22:17; Jo 7:37; Sam 36:9 ^j 21:7 2Sml 7:14 ^k 21:8 Hi 10:38-39; Mt 25:41; Rev 19:20, 21:27, 22:15

Him ke wit Jerusalem hak yaaik

⁹Hi hemtau him im nepei au, mitik ensel kiutip ke ensel nar hispinak wik (7) kerek netenen min mar hispinak wik (7) menmen enum menep mit mekrerem, hirak mitik ensel ik kan menep ketpo kar ik: “Ti enen etikewa hi ateiknut mite yaaip kerek hire wautike Mitik keweikin kire Sipsip hir nanitan. ¹⁰”Hirak ketpo epei au, hirak ketauhis himin kai hawir wen werp miniu (o neiyip) wisenuk. Hawir werp en, hirak keteikno wit Jerusalem, wit God kehimitanek hirak kirak keke wit ke God kekiuwe kan. ¹¹”Hirak kir keriuwe menmen yaaim me God, hirak kire nan yaaim niuk mirak jasper kerek mit newir pewek yapirwe netiwem, nan kerek hir newisim mau wepni hiram mir wisenum mar ke glas. ¹²”Niwa hirak keweikin wit hirak nokik ken niu, weipir hiswiyen wik (12) mewik, mit ensel niutip niutip nerp nersisem naanmipre weipir. Niuk me weiwik hiswiyen wik (12) me Isrel mau weipir im. ¹³Wit wepni kokai kan weipir wikak tewik. Wit wepni kewen ken weipir tar wikak tewik. Wit ken niu in weipir tar wikak tewik. Wit ken min in weipir tar wikak tewik. ¹⁴Hir nime niwa im mentar nan iuwe mar hiswiyen wik (12). Niuk me mit aposel nar hiswiyen wik (12) ne Mitik keweikin kire Sipsip niuk mir mau nan im.

¹⁵”Mitik ensel kerek ketpo menmen ketenen si me gol kaknin mak ke wit iuwe ik e, ketike weipir mirak, niwa mirak. ¹⁶Wit ik e hirak nokik yinak ik yinak ke wit hiram mipiram. Ensel ik kinin mak ke wit keriuwe si mirak. Wit hirak nokik mirak hiram mar 2400 kilomita. Wit kau niu kirak ketike nokik kirak hirak yaaik kipirak. ¹⁷Hirak kinin mak ke wit epei au, hirak kinin mak ke niwa kau niu kirak keriuwe si mire mit ninin mak neriuwerem, te hirak kirem hiram mire 65 mita.

¹⁸God kime niwa keweikin wit ik, hirak kimaak me nan jasper. Wit hirekes God kimaak me gol hiram mir mire tipar mar ke mani katin nemnok. ¹⁹”Nan iuwe kerek God kime niwa menterim hiram marim. Nan namba 1 hirak jasper. Nan hak (namba 2) hirak sapaia kire yinamin. Nan hak (namba 3) hirak nan hike niuk mirak agat. Nan hak (namba 4) hirak kire yinamin niuk mirak emeral. ²⁰Nan hak (namba 5) hirak nan kire hike ketike ninik niuk mirak sadonikis. Nan hak (namba 6) hiram nan kire ninik niuk mirak konilian. Nan hak (namba 7) hirak kire kono niuk mirak krisolait. Nan hak (namba 8) hirak kire yinamin niuk mirak beril. Nan hak (namba 9) hirak kire kono niuk mirak topas. Nan hak (namba 10) hirak kire yinamin ketike kire kono niuk mirak krisopres. Nan hak (namba 11) hirak kire yinamin niuk mirak haiasin. Nan hak (namba 12)

¹ 21:9 Rev 15:1 ^m 21:10 Esi 40:2; Rev 21:2 ⁿ 21:11 Ais 60:1-2, 19 ^o 21:12 Esi 48:30-35
^p 21:15 Rev 11:1 ^q 21:19 Ais 54:11-12

hirak kire ninik niuk mirak ametis. ²¹Ya weipir ke niwa mar hiswiyen wik (12) God kimaam me bis me nan iuwe. Ya weipir miutip miutip hiram me klamsel me bis miutip miutip wisenuk kerekek. Yayiwe kerekir wit iuwe ik hirak ke gol mir yaaim mire mani katin nemnok.

²²Hi ap hir winak iuwe kiutip ke God keit wit iuwe keteikin mit God kau ketikeri eik e au. Mitik iuwe God hirekes kerek manpenuk wisenuk hirak ketike Mitik keweikin kire Sipsip hirakit tepu wit ik te mit miyapir niret tepu. Te hir ap nime winak neteikin hirakit tepu tetikeri au. ²³Wepni o wenke ap te mamir mamit wit ik e taau. Menmen iuwe me God merhihe mire si, menmen iuwe me Mitik keweikin kire Sipsip mamir te hiram mamir mamnep wit mamikrehir ke wepni te hir mit nanir ein ein. ²⁴Mit miyapir nerer wit wit hir naninen nanir menmen iuwe mirakit mir menep wit, te hir nanitet yayiwe nanino in nanino ein. Mit iuwe ninin naanmipre mit miyapir nau ti hir nanit pewek mire yapirwe neiyim naninen wit ik. ²⁵Hir ap te naniyepet weipir me niwa mamit in nanintar wit ap toto mamtai au. Wepni kerekek. ²⁶Menmen mit hir nesese neriuwerem metike pewek mir, hir mit nerer wit wit nau ti neiyim naninen nanwisim mamit witeik. ²⁷Te menmen enum o mit miyapir kerek niriak menmen enum o newisesik nanino nimin wit ik e au. Mit miyapir kerek Mitik keweikin kire Sipsip kewis niuk mir miwaai mekre tiwei kerek mehimitan mit miyapir nanu nantike God, hir keriyen nanino nanikre wit ik e.

Him me nu metike tipar mamkaap mit miyapir nanu werek

22 ¹Hi hir wit yaaik nepei au, mitik ensel keteikno mani kerek tipar mirak mikaap mit miyapir hir nanu werek. Tipar im meke yeno kerek Mitik Iuwe God kewim metike yeno Mitik keweikin kire Sipsip kewim. ²Tipar im hiram nemnok hiram mekiuwe wi miram mitet yayiwe ke nimin. Nu kerek mikaap mit miyapir nanu nanit hiram merp menep mani kekiuweri, ham merp pinak, ham merp pinak. Hiram mari mine nikim me wenke kiutip wenke kiutip, tiwei miram hiram mikaap mit miyapir nerer wit wit nipa hir ninap te hir nanre yaain. ³Menmen yapirwe kerek nipaa mewaank ti God kakriakem nepei au meit kakintar hirak ketike Mitik keweikin kire Sipsip hirakit tatu wit ik naanmamre mit, te hir nanwenipi niuk mirak. ⁴Mit hir nanir ninaan mirak, hirak kakwis niuk mirak mamu maat kir. ⁵Witaan ap te pike mamnen taau. Mit ap nanit si te nanir yayiwe o wepni kau nepni kir au. Mitik luwe

^r 21:22 Rev 15:3 ^s 21:23 Ais 60:19-20; Rev 22:5 ^t 21:24 Ais 60:3, 5 ^u 21:25 Ais 60:11; Sek 14:7; Rev 22:5 ^v 21:27 Ais 52:1; 1Ko 6:9-10; Rev 13:8, 21:8 ^w 22:1 Esi 47:1; Joe 3:18; Sek 14:8 ^x 22:2 Jen 2:9; Esi 47:12; Rev 22:14, 19 ^y 22:4 Sam 42:2; Mt 5:8; Rev 3:12 ^z 22:5 Rev 5:10, 20:6, 21:23, 25; Dan 7:18, 27

God hirak kaku kakrehir ke wepni kakir te mit nises him mirak hir nanu nanire mit iuwe tipmain tipmain enum eik.

Jisas pike kaknen waswas

⁶“Mitik ensel hirak ketpo kar ik: “Him im yapirwe ti hewisim hiram yaaim maain mamnen. Mitik luwe God kerek hirak epei kiriak mit profet himin kir kekrit te hir newepyapir him mirak, hirak epei keriuwet mit ensel nirak te hir nan newepyapir natip mit nises him mirak menmen te menep mamnen.” ⁷^bJisas ketpi kar ik: “Yi eiyimtau! Menep te hi pike anen. Mit miyapir kerek nanimtau him mau tiwei im nanisesim, hir han yaaik nanu.”

⁸“Hi Jon kerekek hi hir menmen im hi hemtau him miram. Hi hir menmen im, hemtewem nepei au, hi hewen ninip hiwaai hit me mitik ensel kerek keteikno menmen im. ⁹Te hirak ketpo kar ik: “Ti ap hiriak menmen im au emit! Hi hiriak menmen me God har ke yi mit yetike mit nit yinan hir profet hir netike mit yapirwe kerek nemtau him mau tiwei im nanisesim. Te ti ap ewenaunipi au emit! Ti ewenipi God kerekek.” ¹⁰Hirak wen ketpo kar ik: “Ti ap epakin him me God mekre tiwei im au emit, entar wi epei man menep te menmen im mamnen. ¹¹^dMenmen im menep te mamnen. Te mit kerek niriak enum hir wen nanriakem. Mit kere han kitet enum enum, hir wen han ekitetim. Mit kerek niriak menmen yaaim hir wen enriakem. Mit kerek hir yaain wen enu anirek.”

¹²^e“Yi eiyimtewek! Menep te hi Jisas hi pike anen. Hi anen etenen menmen yaaim me mit miyapir yapirwe te hi awetirem me menmen nipaa ein ere in hir niriakem. ¹³^fHi kerekek hi hinin, maain te hi pike ekaru. Nipaa hi hinin hiriak menmen te maain hi pike ariakem yaaim.

¹⁴^g“Mit miyapir kerek nises him me God hir nire mit epei nekemyet laplap mir hiram pike yaaim. Mit miyapir narik hir han yaaik nanu nanintar God kakwisi hir nanino nanitet ya wepir ke wit nanino nimin nanim nikim me nu kerek mikaap mit miyapir nanu werek werek nanu nanit. ¹⁵^hTe mit enun nises han kir enuk, hir nantike mit kerek nari si newir pikoker niriak nasi, o mit nari miyapir his neweninem, mit kerek nenep mit han nani, mit kerek newepwar menmen newet tipir em, o mit kerek newenin him nises him mir hiras, mit miyapir nar ik hir ap te nanino nanitet ya wepir ke wit iuwe au. Hir enu enit witeik. ¹⁶ⁱHi Jisas kerekek hi epei heriuwet mitik ensel kai hirak kan kewepyapir him im men yi mit ne weiwik miutip me God yerer wit wit. Hi kerekek hi ke weiwik me Devit, hi nepenyek kirak hi hire saaur kau nepni kir wisenum ere wanewik.”

^a 22:6 Rev 1:1 ^b 22:7 Rev 1:3, 2:16 ^c 22:8 Rev 1:3, 10:4 ^d 22:11 Dan 12:10

^e 22:12 Rev 2:16, 23; Ais 40:10; 2Ko 11:15 ^f 22:13 Rev 1:8, 17, 21:6 ^g 22:14 Rev 22:2

^h 22:15 Rev 21:27 ⁱ 22:16 Ro 1:3; Rev 2:28; 5:5; Nam 24:17

^{17j}“God Himin Yaaik ketike mit miyapir nises him me hi Mitik keweikin hire Sipsip hir natip nar ik: ‘Ti enen.’ Mit miyapir kerek nanimtau him im hir entip, ‘Ti enen.’ Mit miyapir kerek him niu enuk (o hir mar kewenkikor him), hir eninen enim tipar mikaap mit miyapir hir nanu werek werek nanu nanit. Hir nanwir pewek nanit tipar im nanim au. Hir nanim weinim.

^{18k}Hi Jon hi hetpi yi mit miyapir yapirwe kerek yayimtau him me God me menmen mamnen mau tiwei im, hi hetpi him manp har ik: “Mit han kerek nanwis him ham mamu mamtike him im mau tiwei, te God kaknip kakriuwe menmen enum hirak kenep mit keriuwerem hi epei hewisim mau tiwei im. ^{19l}Mit han hir nanisak him ham mau tiwei kerek hi hewisim te God kakri menmen mir mau nu mikaap mit hir nanu werek werek nanu nanit, hirak kakwisi nanu wit kirak yaaik taau.”

^{20m}Mitik kerek kewepyapir him im hirak katip kar ik: “O, hi Jisas hi anen waswas.”

Mitik luwe Jisas haiu mewenhi matip mar ik: “Ti enen waswas.”

²¹Hi Jon hanhan Mitik luwe kiau Jisas Krai hirak kakriak yi mit miyapir kerek yises him mirak kakrekyi menmen yaaim.

Mepir keremem

^j 22:17 Rev 21:6 ^k 22:18 Diu 4:2, 12:32; Rev 15:1 ^l 22:19 Rev 22:2 ^m 22:20 Rev 3:11